

Янги йилингиз қутлуғ бўлсин!



O'zbekiston Respublikasi
IIV nashri

ҚОНУНИЙЛИК ВА ҲУҚУҚ-ТАРТИБОТ УЧУН!

POSTDA

Gazeta 1930-yil 12-maydan chiqqan boshlagan • E-mail: postda@evo.uz • 2015-yil 1-yanvar, payshanba • № 01(4102)



ЎЗБЕКИСТОН ХАЛҚИГА ЯНГИ ЙИЛ ТАБРИГИ

Қадрли ватандошларим!

Мана шу файли дамларда сиз, азиз юрдошларимга аввало ўзимнинг чуқур ҳурмат ва эҳтиромимни изҳор этиб, қутлуғ қадамлари билан кириб келаётган Янги йил билан табриклаб, барчангизга чин қалбимдан сиҳат-саломатлик, тинчлик-омонлик, бахт-саодат, хонадонларингизга хотиржамлик ва фаровонлик тилашни ўзим учун катта бахт деб биламан.

Айни шу дақиқаларда якунига етиб бораётган йилни кузатар эканмиз, йил давомида босиб ўтган йўлимизни ва рўй берган воқеаларни, қўлга киритган марра ва ютуқларни шукроналик билан кўз ўнгимиздан ўтказар эканмиз, 2014 йил биз учун самарали ва хосиятли бўлди, деб айтишга тўлиқ асосларимиз бор, деб ўйлайман.

Бунинг исботини аввало биз кўзлаган буюк мақсад бўлмиш – дунёдаги тараққий топган демократик давлатлар қаторига кириш, бунинг учун олиб бораётган демократик ислохотларни янада чуқурлаштириш ва фуқаролик жамиятини ривожлантириш мақсадида амалга ошираётган улкан ишларимизда кўришимиз мумкин.

Айниқса, иқтисодий-иқтисодий барқарор суръатлар билан юксалтириш, халқимиз фаровонлигини оширишда, ҳеч шубҳасиз, ўтаётган йил ҳаётимизда чуқур из қолдириши мукаррам.

Бунинг тасдиғини юртимизда рўй бераётган оламшумул ўзгариш ва янгиланишларда, шаҳар ва қишлоқларимизнинг қиёфаси янада чирой онаятганда, қад ростлаётган, энг замонавий технологиялар билан жиҳозланган корхоналарда, деҳқон ва фермерларимизнинг мардона меҳнати эвазига далаларимизнинг унумдорлиги ва ҳосилдорлиги йилдан-йилга ошиб, халқимизнинг ҳаёт даражаси юксалиб бораётганида, Ўзбекистонимизнинг дунёдаги обрў-этибори тобора ортиб, унинг халқаро майдонда муносиб ўрин олаётганида кўриб-кузатиб, шу юрда яшаётган ҳар қайси инсоннинг кўнгли ҳақиқатан ҳам ғурур ва ифтихорга тўлади.

Айтиш керак – ўтган даврда биз эришган айрим кўрсаткичларни тасаввур қилишнинг ўзи қийин. Жаҳон миқёсида молиявий-иқтисодий инқироз давом этаётганига қарамадан, Ўзбекистонимизнинг санокли давлатлар қаторида

охирги 10 йил давомидаги иқтисодий ўсиши, яъни, содда қилиб айтганда, фаровонлигимизнинг юксалиш суръатлари узлуксиз равишда 8 фоиздан кам бўлмасдан келмоқда ва 2015 йилда ҳам бу кўрсаткичдан кам бўлмайди, иншооллоҳ.

Азиз юрдошларим!

Ўзбекистоннинг бугунги кунда тараққий йўлида барқарор суръатлар билан қадам кўяётганида, обод ва фаровон ҳаёт кураётганида бу саховатли заминда яшаётган ҳар қайси инсоннинг, унинг миллати, дини, этниқодидан қатъи назар, муносиб ҳиссаси борлигини, бутун халқимизнинг машаққатли меҳнати, мардлиги ва матонати, бағрикенглиги, бир оила бўлиб яшаётгани, қисқача айтганда, юртимизда ҳукм сураётган тинчлик-осойишталик ва меҳроқибатлик туйғуси нақадар катта бойлик эканини барчамиз миннатдорлик билан қайд этамиз.

Бунга иқдор бўлиш учун аввало ҳозирги кунда дунёда содир бўлаётган воқеаларни, яқин ва узок атрафимизда хавф-хатарлар, сиёсий ва иқтисодий қарама-қаршилиқлар авжига чиқиб, терроризм ва экстремизм ҳаракатларини, қон тўкилишларни кўриб-кузатиб турганимиз ҳеч кимни тинч ва бепарво қолдирмайди, албатта.

Минг афсуски, бундай кескинлашувлар, жаҳон молиявий-иқтисодий инқирози, дунё бозорларидаги ноаниқ вазият ва танглик давом этишининг қутилиши – бундай таҳликали аҳвол барчамиздан ҳушёрлик, сезгирлик ва сафарбарлигимизни оширишни, содда қилиб айтганда – бўш келмаслигимизни талаб қилади.

Бир муҳим масалани эсимиздан, хаёлимиздан асло чиқармаслигимиз керак. Ҳаёт ҳеч қачон бир жойда тўхтаб турмайди. Айниқса, биз XXI асрда, глобаллашув, интеллектуал тараққий ва интернет замонида яшаётганимизни инобатга оладиган бўлсак, эришган марра ва ютуқлар билан чегараланмасдан, хаволаниш кайфиятига берилмасдан, аксинча, доим янгиликка интилишимиз, эртанги кунимизни, олдимизда турган муаммо ва қийинчиликларни ўзимизга яққол тасаввур қилиб яшашимиз лозим. Фақат шундай жамият, қолаверса, давлатгина жадал суръатлар билан ўзгариб бораётган замон билан ҳамқадам бўлиб яшаш мумкин.

Айни шу ҳақиқатни англаган ҳолда, 2015 ва келгуси йилларнинг режалари ва янги марраларни эгаллаш ҳақида сўз юритар эканмиз, биз аввало демократик давлат ва фуқаролик жамияти барпо этиш йўлида эришган ютуқларимизга, тўплаган тажрибамизга суяниб, келажакимиз стратегиясига айланган Концепциямиз асосида олиб бораётган ишларимизни изчил суръатлар билан давом эттиришимиз зарур.

Шу борада амалга ошираётган барча ислохотларимизнинг туб илдизи – томирида ётган масалаларга эътиборингизни жалб этмоқчиман.

Сўз кўп тармоқли иқтисодий-иқтисодий устувор соҳаси ҳақида – хусусий мулк ва хусусий тадбиркорликни тез суръатлар билан ривожлантириш йўлидан барча ғов ва тўсиқларни олиб ташлаш, уларнинг эркинлигини таъминлаш ҳақида бормоқда.

Яна бир устувор масала – бутун жаҳон миқёсида иқтисодий ва сиёсий вазият тобора кескинлашиб бораётганини инобатга олган ҳолда, **иқтисодий-иқтисодий таркибий ўзгаришларни изчил чуқурлаштириш, ишлаб чиқариш соҳасини узлуксиз техник, технологик янгилаб бориш ва модернизация қилиш, замонавий ахборот-коммуникация тизимларини кенг жорий этишдир.**

Шу масалалар билан чамбарчас боғланган яна бир вазифа – **иқтисодий-иқтисодий давлатнинг улushi ва ўрни қай даражада бўлишини танқидий кўз билан баҳолаб, уни стратегик ҳамда иқтисодий асосланган даражага қадар қисқартиришдан иборат.** Очигини айтганда, мана шу ўта муҳим ислохотларимизни ярим йўлда қолдирмасдан, мантқиқий якунига етказсак – марра бизники.

Бошқача айтганда, айни шу асосда эски маъмурий-бўйруқбозлик тизимидан ҳали-ҳамон мерос бўлиб келаётган, одамларнинг норозилигини кўзгаётган барча қолдиқлардан воз кечишга имкон туғдирамиз, улардан озод бўламиз. Ҳурматли юрдошлар!

Янги – 2015 йилда мамлакатимиз давлат бюджетининг қарийб 60 фоизи ижтимоий соҳани ривожлантиришга йўналтирилганини алоҳида таъкидлаб ўтмоқчиман. Яъни, соғлиқни сақлаш, таълим-тарбия, илм-фан, маданият ва санъат, спорт соҳаларини, мух-

тасар айтганда, инсон омилини янада юксалтириш эътиборимиз марказида бўлади.

Иш ҳақи, пенсия, стипендия ва ижтимоий нафақалар миқдорининг ўртача ўсиши 22 фоиздан кам бўлмасдан, аҳолимизнинг реал даромадлари 10 фоизга кўпайиши белгиланмоқда.

Кичик бизнес ва фермер хўжалиқлари учун янги йилда ягона социал тўловлар ставкаси 25 фоиздан 15 фоизга туширилади. Шу тариқа 440 миллиард сўмдан кўпроқ маблағ уларнинг ихтиёрида қолдирилади. 2015 йилнинг 1 январидан бошлаб жисмоний шахсларнинг бир минимал ойлик ҳажмидаги маошидан солиқ олинмайди. Барча ишчиларга тегишли бўлган бу янгилик авваломбор бошқаларга нисбатан ойлиги энг кам бўлган фуқароларга кўпроқ наф беришини алоҳида қайд этиш лозим.

Айни шу тадбирлар ҳисобидан меҳнаткашларимиз камида 120 миллиард сўм наф кўради. Янги йилда бериладиган бундай имтиёزلарнинг рўйхатини яна давом эттириш мумкин.

Инфляция даражаси, яъни нарх-навоининг ўсиши тахминан 5,5-6,5 фоизни ташкил этиши кутилмоқда.

Келгуси йилда одамларимизнинг турар-жой шароитларини яхшилаш, янада обод этиш, коммунал-маиший хизмат сифатини тубдан оширишга алоҳида эътибор берилди.

2015 йилда қишлоқ жойларда яшаётган 12 мингга оила шаҳар шароитидан қолишмайдиган, намунавий лойиҳалар асосида қурилган янги уй-жойларга кўчиб кириши мўлжалланмоқда.

Қадрли дўстларим!

Кириб келаётган янги йилга мамлакатимизда Кексаларни эъзозлаш йили деб ном берганимиздан халқимиз албатта яхши хабардордир.

Бунинг замирида ҳаммамизни оқ ювиб, оқ тараган, муқаддас юртимизнинг ташвиш ва муаммоларини ўз елкасида кўтариб келаётган, хонадонларимизнинг файзи ва кўрки бўлган кекса авлод вакилларини ҳаётдан рози қилиш, уларнинг дуосини олишдек савобли ва олижаноб мақсадлар мужассам эканини, ўйлайманки, барчамиз яхши тушунамиз.

Биз меҳрибон ота-оналаримиз, муҳтарам кексаларимиз олдидаги ана шу қарзимизни янада теран

англаган ҳолда, уларга ҳар томонлама эътибор ва ғамхўрлик кўрсатишдек олижаноб мақсадлар билан 2015 йилга қадам кўяр эканмиз, биз учун миллий ўзлигимиз тимсолига айланиб кетган каттага – ҳурмат, кичикка – иззат, меҳроқибат, шафқат ва мурувват каби эзгу фазилатларни янада мустаҳкамлаб, уларни жондан азиз фарзандларимизнинг онгу шуурига сингдиришда кириб келаётган йил муҳим, юксак бир босқич бўлишига ишонаман.

Айни шундай ноёб фазилатларга эга бўлаётганимиз яқинда Олий Мажлис Қонунчилик палатаси ва маҳаллий кенгашларга бўлиб ўтган сайловларда яққол намоян бўлганининг ғувоҳи бўлдик.

Буларнинг барчаси одамларимизнинг, аввало, ҳал қилувчи қўлга айланаётган ёш авлодимизнинг онгу тафаккури, дунёқараши, сиёсий ва фуқаролик савияси, ҳуқуқий маданияти юксалиб ва энг муҳими – эртанги кунимизни биз ўзимиз, она юртимиз учун қуряпмиз, деб дадил майдонга чиқаётганининг намойиши, десам, ҳеч қандай хато бўлмайди.

Мен яқинда, Конституциямиз байрамига бағишланган тантанали мажлисда кимки асл демократияни кўрмоқчи бўлса, Ўзбекистонимизга келсин, деб айтганим бежиз эмас.

Ҳақиқатан ҳам, бундай халқ олдида бosh эғиб, ҳар қанча таъзим қилсак арзийди, албатта, азизларим.

Қадрли ва муҳтарам ватандошларим!

Янги йил кириб келишига санокли дақиқалар қолган мана шу ҳаяжонли дамларда барчамиз Яратганимиздан эзгу мақсадларимиз рўёбга чиқишини, хонадонларимизнинг қут-баракаси, файзини беришини чин қалбимиздан сўраймиз.

Кириб келаётган янги йилимиз юртимизга, барча-барча оилаларга бахту саодат ва омад келтирсин!

Ҳар биримизнинг пок ният ва тилақларимиз ижобат бўлсин!

Ватанимиз тинч, халқимиз омон, осмонимиз мусаффо бўлсин!

Янги йил барчамизга муборак бўлсин!

Ислом КАРИМОВ,
Ўзбекистон
Республикаси
Президенти





ФАХРИЙЛАР БИЛАН УЧРАШУВ

Янги йил арафасида Ўзбекистон Республикаси Ички ишлар вазири, генерал-лейтенант А. Ахмедбаев ИИБ Фахрийлар кенгаши аъзоларининг бир гуруҳи билан учрашди. Кенгаш раиси, истеъфодаги генерал-майор Ф. Рахимов учрашув чоғида ИИБ раҳбариятига кекса авлод вакилларига кўрсатилаётган ғамхўрлик, эътибор учун миннатдорлик билдирди. Шунингдек, 2014 йил мобайнида фахрийлар томонидан амалга оширилган ишлар ҳақида қисқача гапириб берди. Бунда ички ишлар идораларининг раҳбарлари ва ШТБИХ ходимлари яқиндан ёрдам беришга эътиборини алоҳида таъкидлади. Айниқса, фахрийларни қўллаб-қувватлаш, ёш ходимларни хизмат бурчига садоқат руҳида тарбиялаш борасида кўпгина ижобий натижаларга эришилганини қайд этиб, 2015 йилги режалар устида тўхталди.

Учрашувда иштирок этган фахрийлар ташкилоти аъзолари бундан буён ҳам осойишталик посбонларига ўзларининг бой тажриба ва билимларини ўргатиш, ёш ходимларни бурчга садоқат, касбга муҳаббат руҳида тарбиялашда давом этишларини билдиришди.

Ички ишлар вазири ўз навбатида фахрийларга кўп йиллик хизматлари, ёш ходимларни тарбиялашда яқиндан ёрдам бераётганликлари учун самимий миннатдорлик билдирди. Барчаларини кириб келаётган Янги йил билан қизгин табриклаб, уларга сиҳат-саломатлик, узоқ умр, савобли фаолиятларида муваффақиятлар тилади. Кексаларни эъзозлаш йилида барча йўналишларда ўзаро ҳамкорлик давом этишига ишонч билдирди.

Ўз мухбиримиз.

ЎЗБЕКИСТОН



ҲАФТА ИЧИДА

● Республика болалар кутубхонасида Янги йил байрамига бағишланган маърифий тадбир уюштирилди. Болалар она-Ватанимизни, мустақиллигимизни, ёш авлодга кўрсатилаётган меҳр ва эътиборни тараннум этувчи шеърлар, куй-қўшиқлар ижро этдилар. Ўқувчиларнинг интеллектуал салоҳияти синовиغا бағишланган «Энг яхши китобхон» викторинаси ўтказилди. Тадбирда фаол қатнашган ўқувчиларга китоблар совға қилинди.

● Ўзбекистон Касаба уюшмалари федерацияси кенгашида «Соғлом бола йили» Давлат дастури доирасида республика касаба уюшмалари томонидан амалга оширилган ишлар таҳлилига бағишланган анжуман ўтказилди.

Анжуманда болалар дам олиш ва соғломлаштириш оромгоҳларини қуриш, реконструкция қилиш, тизимдаги санаторийларнинг моддий-техник базасини мустаҳкамлаш, аҳоли, айниқса, хотин-қизлар, кексалар сиҳат-саломатлигига янада жиддий эътибор қаратиш, уларнинг яшаш шароитларини яхшилашга кўмаклашиш бўйича амалга оширилган ишлар хусусида ҳам атрофлича сўз юритилди.

● Самарқандда Янги йил байрами муносабати билан анъанавий «Самарқанд ширинликлари» кўрик-танлови ўтказилди. Унда иштирокчилар томонидан тайёрланган байрам тортлари, тантанали маросимлар учун пишириқлар, мева ва шифобахш гиёҳлардан тайёрланган шарбатлар, мураббо ва шиннилар, туршак, майиз, асал маҳсулотлари намоиш қилинди. Ҳар бир маҳсулотнинг тайёрланиш усули ва шифобахшлиги каби муҳим жиҳатлари ҳақида маълумот берилди.

● Испания пойтахтида «Буюк ипак йўлидаги Ўзбекистон» мавзуидаги мамлакатимиз сайёҳлик салоҳиятининг тақдими бўлиб ўтди. У Ўзбекистоннинг Испаниядаги элчихонаси ва Мадрид шаҳар мэрияси ҳамкорлигида ташкил этилди. Тақдимот чоғида иштирокчилар мазкур трансконтинентал савдо йўлининг тарихи билан яқиндан танишдилар.

Шунингдек, тақдимот иштирокчилари Амир Темурнинг невараси, нафақат сиёсий арбоб, балки буюк аллома, ташкилотчи ҳамда илм-фан ва санъатнинг ҳомийси сифатида Жаҳон тарихига кирган Мирзо Улуғбекнинг бой мероси билан ҳам танишдилар.

ОАВ хабарлари асосида тайёрланди.

Тадбир

ДИЛДАН ЯЙРАШМОҚДА

Айни кунларда мамлакатимиз бўйлаб Янги йил шукуҳи кезиб юрибди. Юртимиздаги барча маҳаллалар, мактаб, мактабгача таълим муассасалари, кўчаларимизда маҳобатли арчалар безатилиб, Қорбобо ва Қорқиз иштирокида байрам тадбирлари бўлиб ўтмоқда.

Жумладан, Янги йил байрами олдидан болажонларга хуш кайфият улашиш мақсадида Ўзбекистон Республикаси ИИБ Маданият саройида ҳам бир неча кундан бери давом этаётган тантанали тадбирда ички ишлар идоралари ходимларининг фарзандлари, шунингдек, пойтахтимиздаги Меҳрибонлик уйлари тарбияланувчилари, имконияти чек-

ланган болалар ҳамда ижтимоий муҳофазага муҳтож оилалар фарзандлари иштирок этмоқда. Саройда маҳоратли актёрлар томонидан тайёрланган «Янги йил сеҳри» номли театрлаштирилган томоша ҳар куни тўрт мартаба намоиш этилаётгани кичкинтойларга бир олам қувонч улашяпти. Бундан ташқари, турли хил ўйинлар ҳам ташкиллаштирил-



моқда, болажонларимиз мазза қилиб қўшиқ айтиб, рақсга тушиб яйрашяпти.

Уларнинг хурсандлигини кўриб, қалбингиз фахр-ифтихорга тўлади. Айниқса, байрам совғаларининг берилиши бо-

лаларга олам-олам завқ бағишляпти.

Фуркат ГАЙБУЛЛАЕВ,
кичик сержант.

Суратда: байрам шодиёнаси-
дан лавҳа.
Шавкат ҚАҲҲОРОВ
олган сурат.

Байрам тилаклари

ЮТУҚЛАРИМИЗ ЯНАДА КЎПАЯВЕРСИН!

Вақт — самовий ҳодиса. Шунинг учун унинг кечишини Ер, Ой, Кўёнинг коинотдаги ҳаракати га қиёсан идрок эта- миз. Ой Ер атрофида, Ер Кўёи атрофида, Кўёи ҳам галактика атрофида айланавериб, умримизнинг лаҳза, кун, ой, йиллари ўтмишига айланаётганини кўрсатаверади. Ҳамма гап умрни қандай яшаб ўтишда, унинг қадрига этиб, шукр қилиб яшаида.

Бу борада ҳаммага биринчи бўлиб салом беришни каноа қилмаган, умр бўйи тўғри яшаган, қалбига ҳалоллик муҳри босилган оталаримиз, оиланинг Ватан, Ватаннинг эса оила эканлигини меҳри, муҳаббати, фидойилиги билан шууримизга сингдирган оналаримиз бизга ибратдир.

Ўтган йил сарҳисоби ҳар кимнинг ўзига тан. Энг асосийси, якунланган йил ютуқларга бой бўлди.

Фурсатдан фойдаланиб, барча юртдошларимизни, шу жумладан, халқимиз осойишталиги посбонлари — ички ишлар идоралари ходимларини Янги йил байрами билан табриқлайман.

Янги йилингиз қутлуғ бўлсин, азиз юртдошлар!

Жаҳонгир НАҲАНОВ,

«Ҳужуқ ва бурч» журнали бош муҳаррири.



БОЛАЖОНЛАР ҚУВОНЧИ

Яқинда байрамона безатилган Андижон вилояти ИИБ Маънавият ва маърифат залида ички ишлар идоралари ходимларининг 250 нафар фарзанди, уларнинг ота-оналари, бобобувилари учун янги йил байрами бўлиб ўтди. Тадбир аввалида вилоят ИИБ бошлиғи, полковник Д. Бобожонов болажонларни байрам билан қутлаб, уларга униб-ўсиб, келажакда юртимизнинг муносиб ўғил-қизлари бўлиб етишишларини тилади.

Шундан сўнг Янги йил томоша-си бошланди. Унда анъанавий эртак қаҳрамонлари — Қизил шапкача, Бўз бўри, Қуён, Ялмоғиз кампир, Қорбобо, Қорқиз, Қор маликаси ва бошқалар иштирок этишди. Аксар эртақларда бўлганидек, бу сафар ҳам эзгулик ёвузлик устидан галаба қозонди. Сўнг болалару катталар арча атрофида қўшиқ айтиб, рақсга тушишди.

Шу кунларда ички ишлар идоралари ходимларининг фарзандлари тарбияланадиган «Пахтаой»

мактабгача таълим муассасасида ҳам байрам тадбири бўлиб ўтди.

— Бу байрамни болажонларимиз ҳар йили интизорлик билан кутишади. Чунки байрам тадбири чоғида улар маза қилиб ўйнаб-қулиб олам-олам завқ-шавқ олишади. Вилоят ИИБ раҳбариятининг ғамхўрлиги туфайли тарбияланувчиларимизга янги йил совғалари улашдик, тўкин-сочин байрам дастурхони ёздик. Бунинг учун уларга катта раҳмат, — дейди муассаса мудираси М. Хўжаева.

ИИБ Қоровул қўшинларига қарашли ҳарбий қисмда хизмат қилаётган ҳарбий хизматчиларнинг фарзандлари ҳам беэтибор қолмади. Вилоят ИИБ бошлиғи, полковник Д. Бобожонов уларни байрам билан табриклаб, совға-саломлар топширди. Шунингдек, вилоят ИИБ ППХ ва ЖТСБ патруль-пост хизмати батальони, ЙХБ йўл-патруль хизмати батальони ходимларининг фарзандлари учун ҳам ана шундай тадбирлар ташкил этилди.

К. БОРИСОВ.

Битирув

ПОРЛОҚ КЕЛАЖАККА – МУСТАҲКАМ ПОЙДЕВОР

Ички ишлар идоралари сафига қабул қилинган ёш ходимларга соҳа сирларини ўргатиш, уларни етуқ, малакали ходим қилиб тарбиялаш муҳим аҳамиятга эга. Бу борада республика ИИБ ШТБХга бевосита бўйсунувчи Сержантлар таркибини қайта тайёрлаш ва малака ошириш марказларининг ҳиссаси катта бўлмоқда. Яқинда бошланғич тайёргарликдан ўтган курсантларнинг битирув маросимлари ҳам тантанали тарзда ўтди.



Сержантлар таркибини қайта тайёрлаш ва малака ошириш Тошкент шаҳар маркази саф майдонига ташриф буюрган ота-оналарнинг юзларида чексиз қувонч ва ифтихор порлаб турибди. Улар сафда турган норғул ўғлонлар юртимиз осойишталигини таъминлашга масъул эканидан хурсанд. Марказ бошлиғи, полковник И. Самандаров тадбирни очиб, барчани ушбу қувончли кун билан муборакбод этди. Шунингдек, битирув тантанасини нишонлаётган ёш ходимлар хизмат бурчида сидқидилдан ёндашиб, буюқ аждодларимизга хос жасурлик билан келажак авлодларга намуна бўлишига умид билдирди. Аъло баҳолари, интизоми ва жамоат ишларида фаоллиги билан намуна кўрсатган бир гуруҳ курсантларга Фахрий ёрликлар топширилди. Профессор-

ўқитувчилар таркиби номидан цикл бошлиғи, подполковник К. Баратов сўзга чиқиб битирувчиларни муборакбод этди. Курсантлар номидан сўз олган сафдор Ж. Наврўзов эса бу ерда олган билимларидан хизмат жараёнида унумли фойдаланиб, устозлари ишончини оқлашга ваъда берди.

– Фахрий ёрлик олган курсантлар орасида ўғлим ҳам борлигидан ҳаяжондаман, – дейди Сирождиддин Умаровнинг отаси Салоҳиддин Иргашев. – Ундан ҳам кўпроқ мен қувондим, чунки фарзандининг эришган ютуғи ота учун катта бахт.

Бугун марказга ташриф буюрганларнинг қалбини чексиз қувонч чулғаб олди. Чунки эл-юртимиз осойишталиги йўлида хизмат қилаётган жасур посбонларимиз сафи янада кенгайди.

Р. ИНОМЖОНОВ.
Абу КЕНЖАЕВ
олган сурат.

Республика ИИБ ШТБХга бевосита бўйсунувчи Сержантлар таркибини қайта тайёрлаш ва малака ошириш Самарқанд шаҳар марказида бўлиб ўтган битирув тантанаси ҳам йиғилганларга байрамона кайфият бағишлади.

Тантанани марказ бошлиғи, полковник Қ. Эргашев очиб, битирувчиларни ҳаётларидаги унутилмас шодиёна билан муборакбод этаркан, келгуси хизматларида улкан зафарлар ёр бўлишини тилади. Сафдорлар «Ўзбекистон Республикасига хизмат қиламан!» дея гурур билан шу муқаддас заминга бўлган садоқатларини изҳор этишганида уларнинг ота-оналари, яқинлари кўзларида севинч ёшлари акс этди.

Тадбирда сўзга чиққан ота-оналар республика Ички ишлар вазирлиги ҳамда мазкур таълим муассасаси раҳбариятига ёшларнинг билим олиши учун яратилган шарт-шароитлар ҳақида тўлқинланиб сўзлашди ва миннатдорлик билдиришди. Профессор-ўқитувчилар битирувчилар бу ерда олган билим ва кўникмаларини келгусида мустақил Ватанимизнинг тинчлик-осойишталигини сақлаш йўлида сафарбар этишларини таъкидлаб, юртимизнинг мард, жасур, шижоатли, фарзандлари сингари халқимизга садоқат билан хизмат қилишларига ишонч билдирди. Ўз навбатида сафдорлар билдирилган юксак ишончни юрт осойишталигини таъминлашдек масъулиятли вазифани

Давлатимиз раҳбари Конституциямизнинг 22 йиллигига бағишланган тантанали йиғилишда бир гуруҳ юртдошларимизга юксак мукофотларни топширар экан, «Бизнинг тинч ва осуда ҳаётимизни, мусаффо осмонимизни кўз қорачиғидек асраб келаётган, бугунги нотинч ва таҳликали бир вазиятда шу йўлда кўкрагини қалқон қилишга тайёр бўлган мард ва жасур ҳарбийларимизнинг машаққатли ва шарафли хизматини ҳеч нарса билан қиёслаб бўлмайди», — дея алоҳида эътироф этганлари бежиз эмас.

Зотан, бугунги дориломон кунлар, эл-юрт тинчлиги, осойишталигини таъминлашда улар асосий ўринда турибди, десак, муболага бўлмайди. Ҳар йили давлатимиз томонидан юксак мукофотларга сазовор бўлаётган ҳуқуқни муҳофаза қилувчи идоралар ходимлари орасида осойишталик посбонлари ҳам кўпчиликни ташкил этади.

Олмалиқ шаҳрида жойлашган Сержантлар таркибини қайта тайёрлаш ва малака ошириш марказида ўқиб, касб сир-асрорларини янада мукамал ўзлаштириш имконига эга бўлган бир гуруҳ ёш ходимлар бугун саф майдонида туришибди. Уларнинг ак-

сарияти юксак мукофотларга сазовор бўлган устозлари, қариндош ёки маҳалладошларининг мардлиги, жасорати-ю, шижоатига ҳавас қилиб шу касбни танлагани, улардай бўлиш ниятида эгниларига ички ишлар ходими либосини кийгани, шубҳасиз. Чунки сафда турганларнинг ҳар бирида худди шундай шижоат ва мардлик, масъулият яққол сезилиб турарди.

Марказ бошлиғи, полковник Х. Дўсматов курсантларни ушбу тадбир билан табриклаб, зиммаларида жуда катта масъулият – эл ишончи турганини, уни виждонан оқлаш учун эса жиноятчиларга мурасасиз бўлиш лозимлиги, ҳуқуқбузарликларни бартаф этиш орқали соҳа обрў-эътиборини ошириш доимий вазифага айланиш кераклигини яна бир бор таъкидлади.

– Бу ерда устозларимдан хизматнинг жуда кўп қирраларини ўргандим ва бундан беҳад хурсандман. Албатта, ўрганганларим хизмат фаолиятимда, келажакимни белгилашда муҳим ўрин тутди, – дейди Самарқанд вилояти Нарпай туманидан келган сафдор Азамат Яхшибоев.

Тадбирда сўзга чиққан марказнинг ижтимоий ва сиёсий фанлар цикли бошлиғи, майор Ж. Сарибоев ҳамда курс бошлиғи, подполковник Д. Ҳайметов ҳам ёш ходимларнинг келгуси хизматлари муваффақият тилади.

А. ҚОДИРОВ.



Шавкат ҚАҲҲОРОВ олган сурат.

шараф билан адо этишга ваъда беришди.

Таъкидлаш лозимки, сафдорлар марказда жисмоний-жанговар ва касбий тайёргарликларини оширишдан ташқари, ижтимоий-сиёсий билимларини ҳам мустаҳкамлашди. Уларнинг маънавиятини юксалтириш, дунёқарашини янада кенгайтириш мақсадида тарихий шаҳарнинг кўҳна, диққатга сазовор жойларига саёҳатлар уюштирилди.

Бошланғич тайёргарликдан ўтиш давомида намунали хулқи, интизоми, билими ва жамоат ишларидаги фаоллиги билан сафдошларидан ажралиб турган бир гуруҳ ходимлар Фахрий ёрликлар билан тақдирланди.

О. РЎЗИМУРОДОВ,
подполковник.

ДУНЁДАН



ДАРАКЛАР

ШУНАҚАСИ ҲАМ БЎЛАДИ

Ҳиндистоннинг Гвалиор шаҳрилик шифокорлар ғайриоддий жарроҳлик операциясини амалга оширишди. Улар етти ёшли боланинг оғиз бўшлиғидан 80 та ортиқча тишни суғуриб олишди. Операция деярли тўрт соат давом этди. Шифокорлардан Анкит Хасгивала боланинг танглайида абсцесс хасталигининг кучайиб кетиши туфайли ортиқча тишлар пайдо бўлганлигини таъкидлади.

Ушбу мамлакатда қайд этилган яна бир воқеага эътиборингизни қаратмоқчимиз. Ҳайдаробод шаҳрилик Муҳаммад Хуршид Хусайн бурун билан матн териш бўйича ўзига хос жаҳон рекорди ўрнатди. У Гиннеснинг рекордлар китоби экспертлари гувоҳлигида 47,44 сонияда 103 та сўзни теришга муваффақ бўлди. Рекорд ўрнатиш учун Муҳаммад сўнги уч йил давомида ҳар куни олти соатдан тайёрланди.

ҚУРҒОҚЧИЛИК ТУФАЙЛИ

Майя қабиласи цивилизацияси таназулга учрашига юз йил давом этган қурғоқчилик сабаб бўлган. Америкалик мутахассислар мазкур ҳинду қабиласи дастлаб яшаган тоғли жойларда тадқиқотлар олиб бориб ана шундай хулосага келишди. Олимларнинг фикрига қараганда, ёгингарчиликларнинг камайиб кетиши қишлоқ хўжалигининг издан чиқишига олиб келган. Натижада шаҳарларда очарчилик, ўзаро урушлар бошланган.

САЁҲАТЧИ СИЧҚОН

«Qatar Airways» авиакомпанияси самолёти Мадриддан Дохага учини керак эди. Лекин ҳаво кемаси салониди сичқон топилганлиги сабабли парвоз олти соатга кечиктирилди. Жонивордан кўриқиб кетган йўловчилар самолётни тарк этишди. Шундан сўнг самолёт ичида кемирувчиларга қарши тутатқи тутатилди. Парвознинг кечиктирилиши туфайли кўплаб йўловчилар Таиланд, Сингапур ва Бали оролига учадиган рейсларга улгура олишмади. Авиакомпания вакили йўловчиларга кўзда тутилмаган барча харажатлар қопланишини ваъда берди.

ВАҚТИНЧАЛИК ТЎХТАТИЛДИ

Малайзиянинг «Air Asia» авиакомпаниясига қарашли самолёт ҳалокатга учраган жойда қутқарув ишлари вақтинча тўхтатилди. Бунга об-ҳавонинг ёмонлашуви сабаб бўлган. Ҳозиргача уч эрақ ва уч аёлнинг жасади сувдан олинган. Ёмғир тўхтаб, тўлқинлар пасайгач қутқарув ишлари яна давом эттирилади. Ушбу маҳсус операцияда Индонезия, Австралия, Малайзия, Сингапур, Жанубий Корея ва АҚШга қарашли ўттизга яқин кема ва 20 та самолёт жалб этилган.

Интернет материаллари
асосида тайёрланди.



Юксак мукофот соҳиблари

Ичкиликка муккасидан кетган Р. Бахтиёр доимгидек чайқалиб-чайқалиб эшикдан кирди. Унга пешвоз чиққан хотинини беسابаб дўппослаб, ҳақоратлай бошлади. Шовқиндан уйғониб кетган отаси уйдан шошилиб чиқиб уни қайтаришга уринди. Бироқ инсонийлик қиёфасини йўқотган Бахтиёр отасига ҳам кулоқ солмади. Отахоннинг берган насиҳатлари кор қилмагач, у сўнги умид билан милиция таянч пунктига йўл олди.

– Келинг отахон, тинчликми? – хавотирланиб сўради ходим.
– Кеч бўлганда безовта қилганим учун узр, – дея титроқ овозда сўз бошлади отахон. – Ўғлим маст бўлиб жанжал қилгани-қилган. Қанча насиҳат қилдим, дакки бериб кўрдим, натижа чиқмади. Ҳозир ҳам уйда хотинини уряпти, сиз бир гаплашиб кўрасизми дегандим...

ТИНИБ-ТИНЧИМАЙДИГАН ИНСПЕКТОР

Шайхонтоҳур тумани Ўзбекистон маҳалласидаги 374-милиция таянч пункти профилактика катта инспектори, майор Фахриддин Саидкаримовнинг одати шундай. Атрофни тун суқунати қоплагач, ҳудудни айланиб чиқади. Маҳалла тинч-осойишта эканига ишонч ҳосил қилгач, хонасига келиб ҳужжатлар билан шуғуллана-

ва бошқа маиший хизмат кўрсатиш шохобчалари аҳоли фаровонлигини таъминлашга хизмат қил- япти. Милиция таянч пункти қошида ташкил этилган миллий хунармандчилик, бичиш-тикиш каби тўғра- рақларга ёшлар жалб қилинган бўлиб, уларга белгиланган жадвал асо- сида машғулотлар ўткази- лади.

лар, ҳуқуқбузарликларнинг олдини олишга қаратилган тадбирлар ўтказишди. Майор Ф. Саидкаримовнинг самарали меҳнатлари доимо раҳбарият томонидан эътироф этиб келина- ди. У хизмат фаолияти да- вомида бир неча бор тур- ли кўринишда рағбатланти- рилган. Унинг жиноятчилик- ка қарши курашиш, содир этилганларини тезкорлик



ди. Энди ишларини туга- тиб уйига кетмоқчи бўлиб турган пайтда отахоннинг келиши уни сергаклан- тирди. Ахир, бундай ҳолат- лар маҳалла ёшларининг тарбиясига салбий таъсир кўрсатишини, эътиборсиз қолдирадиган бўлса бу ка- билар кўпайиб кетишини ўйлаб отахон билан бирга жўнади. Оғзидан боди ки- риб, шоди чиқаётган Бах- тиёрни милиция таянч пунктига олиб келди. То унинг мастлиги тарқаб, ҳушига келгунча кутди. Ўзига келгандан сўнг эса у билан яхшилаб суҳбатлаш- ди. Бир неча кун назорат- ни кучайтириб, профилак- тик ишлар олиб борди. Бу- гунги кунда эса у сантех- ник бўлиб ишляпти. Ички- лик ҳам ичмай қўйган. Ота- онаси осойишталик пос- бонини ҳар кўрганда мин- натдорлик билдириб, дуо- лар қилишади.

Мазкур маҳаллада беш ярим минг нафарга яқин аҳоли истиқомат қилади. Улар турли миллат вакил- лари бўлса-да, бир оила- дек аҳил-иноқ яшашади. Бу ерда жойлашган тикув- чилик цехлари, кутубхона,

– Фахриддин Саидкари- мов тиниб-тинчимас хо- димлардан, – дейди Шай- хонтоҳур тумани ИИБ ҲООБ бошлиғи, подпол- ковник И. Сулаймонов. – Унинг ҳушёрлиги, фуқаро- ларнинг кўнглига йўл топа олгани туфайли Ўзбекис- тон маҳалласида жиноят- лар содир этилишига йўл қўйилмаяпти. Маҳалла фаоллари билан ҳамкор- ликдаги саъй-ҳаракатла- ри натижасида ажрашиш учун мурожаат қилган учта оила яраштириб қўйилди.

Дарҳақиқат, майор Ф. Саидкаримов маҳалла- даги барқарор вазиятни сақлаб туриш йўлида сира тиниб-тинчимайди. Фуқаро- лар йиғини раиси Саидумар Ҳожиакбаров, «Маҳалла посбони» жамо- ат тузилмаси раҳбари Юлдошпўлат Тўлаганов, ҳамда диний маърифат ва маънавий-ахлоқий тарбия масалалари бўйича мас- лаҳатчи Маъмура Азизхў- жаева унинг доимий ҳам- корлари. Ўтган йилда ҳам улар биргаллашиб, маҳал- ладаги барча таълим муассасалари ва бошқа ташкилотларда учрашув-

билан фоз этиш, аҳоли осойишталигини таъмин- лаш йўлидаги фидойилиги ҳуқуқбузарликларнинг олдини олишга қаратилган тадбирлар ўтказишди. Майор Ф. Саидкаримовнинг самарали меҳнатлари доимо раҳбарият томонидан эътироф этиб келина- ди. У хизмат фаолияти да- вомида бир неча бор тур- ли кўринишда рағбатланти- рилган. Унинг жиноятчилик- ка қарши курашиш, содир этилганларини тезкорлик

– Қилаётган ишларим бундай юксак мукофотга лойиқ кўрилади деб ўйла- магандим, – дейди камтар- лик билан Фахриддин Са- идкаримов. – Қолаверса, хизмат ҳудудимда яшовчи фуқароларнинг ўзи жуда яхши инсонлар. Хизматим юксак эътироф этилгани- дан бошим осмонга етди. Энди ишонччи оқлаш учун янада ҳушёрлик, жонқуяр- лик билан хизмат қиламан.

Ҳа, юртимизда ана шун- дай оққўнгил ва покиза инсонлар яшайди. Улар- нинг осойишталигини, фа- ровонлигини таъминлаш, муаммоларига ёрдам қўлини чўзиш, қувонч би- лан айтган миннатдорлик- ларини эшитишнинг ўзи катта бахт.

Улуғбек ҚАМБАРОВ.
Тошкент шаҳри.

«Намунали милиция таянч пункти» кўрик-танлови

МУНОСИБЛАР ТАҚДИРЛАНДИ

Профилактика инспекторлари аҳолига энг яқин бўлган ички ишлар идоралари ходимлари ҳисобланади. Улар ўзи хизмат қилаётган ҳудудда жиноят ҳамда ҳуқуқбузар- ликларнинг олдини олиш, жамоат тартибини сақлаш, ёш авлодни Ва- танга муҳаббат руҳида тарбиялаш- га масъул бўлиб, бу ишонччи фи- доийларча оқлашга ҳаракат қилмоқ- далар. Замон талабларига мос тарзда жиҳозланган милиция таянч пунктларида профилактика инспекторла- ри билан ёнма-ён маҳалла оқсоқоли, хотин-қизлар кенгаши раиси, диний маъ- рифат ва маънавий-ахлоқий тарбия масалалари бўйича маслаҳатчи, «Маҳал- ла посбони» жамоатчилик тузилмаси раҳбари ҳам хизмат қилаяпти.



Бугунги кунда Хоразм вилоятида 202 та милиция таянч пункти бўлиб, улар- нинг аксарияти қишлоқ ва маҳалла фу- қаролар йиғини билан бир бинода жой- лашган. Бундай қулайлик профилак- тика инспекторларининг жамоатчилик билан ҳамкорликда иш олиб бориши- да қўл келмоқда. Мазкур масканларда соҳа ходимлари самарали хизмат қилишлари учун барча шароитлар яра- тилган. Кенг ва ёруғ хоналар, замона- вий алоқа воситалари, компьютерлар улар ихтиёрида. Ёшларнинг бўш вақт- ларини мазмунли ташкил этиш мақ- садида милиция таянч пунктлари қошида турли тўғрақлар, спорт май- дончалари фаолият кўрсатмоқда.

Яқинда Урганч шаҳрида бўлиб ўтган тадбирда профилактика хизматининг 2014 йил натижалари сарҳисоб қилин- ди. Уни вилоят ИИБ бошлиғи вазифа- сини бажарувчи, подполковник Ш. Са- ипов очиб, профилактика инспекторла- ри томонидан эл-юрт осойишталиги- ни таъминлаш борасида кенг жамоат- чилик вакиллари билан ҳамкорликда амалга оширилаётган ишларга тўхта- либ, вилоятдаги 114 та маҳалла ҳуду- дида умуман жиноят со- дир этилмаганлигини алоҳида қайд этиб ўтди. Тадбирда вилоят ҳоки- мининг биринчи ўринбо- сари Ш. Хўжаниёзова сўзга чиқиб, осойишта- ликни таъминлашда фаол иштирок этаётган профилак- тика инспек- торлари фаолиятига юк- сак баҳо берди.

Шундан сўнг «Намуна- ли милиция таянч пунк- ти» республика кўрик- танловининг вилоят бос- қичи ғолиблари эълон қилинди. Урганч шаҳар «Кўҳна қалъа» маҳалла фуқаро- лар йиғинига хизмат кўрсатаётган 23- милиция таянч пункти (профилактика инспектори, капитан Жасур Машари- пов) биринчи ўринга лойиқ топилди ва кўрик-танловнинг республика босқичи- га йўлланма олди. Қўшқўпир тумани «Ҳонобод» маҳалла фуқаролар йиғини- даги 91-милиция таянч пункти (про- филиактика инспектори, катта лейтенант Анвар Отабоев) иккинчи, Ҳазорасп ту- мани «Янгибозор» маҳалла фуқаролар йиғинидаги 182-милиция таянч пунк- ти (профилактика инспектори, капитан Равшанбек Якубов) учинчи ўринга са- зовор бўлди.

Шунингдек, кўрик-танловда номи- нациялар бўйича ғолиблар ҳам эълон қилинди. «Милиция таянч пунктлари инфратузилмасини такомиллаштириш бўйича энг фаол ҳоким» номинация- си бўйича Богот тумани ҳокими Рўзи- бой Бекчонов ғолиб деб топилди. «Энг маҳоратли профилактика инспектори» номинацияси ғолиблигини Урганч ша-

ҳар ИИБ ҲООБ милиция таянч пункти профилактика инспектори, катта лей- тенант Ўткирбек Абдуллаев қўлга ки- ритди. «Энг фаол ёш авлод ҳимоячи- си» номинацияси бўйича Хонқа тумани ИИБ ҲООБ ВЕЎН ва ҲПГ инспекто- ри, капитан Файрат Жуманиёзов, «Энг обод ва осойишта маҳалла раиси» но- минацияси бўйича Хива тумани «Дўстлик» маҳалла фуқаролар йиғини раиси Файрат Юсупов, «Фидойи ма- ҳалла посбони» номинацияси бўйича Урганч шаҳар «Кўҳна қалъа» маҳалла фуқаролар йиғини «Маҳалла посбони» жамоатчилик тузилмаси раҳбари Му- хаммадали Юлдашев, «Энг фаол маъ- рифатпарвар маслаҳатчи» номинация- си бўйича Гурлан тумани «Чаккалар» маҳалла фуқаролар йиғинининг диний маърифат ва маънавий-ахлоқий тар- бия масалалари бўйича маслаҳатчи- си Гулжаной Абдуллаева, «Хотин-қиз- лар қўмитаси бошланғич ташкилоти- нинг ибратли раиси» номинацияси бўйича Урганч тумани «Оқ ариқ» ма- ҳалла фуқаролар йиғини бошланғич хотин-қизлар қўмитаси раиси Карима Ражабова, «Энг фаол хотин-қизлар



қўмитаси раиси» номинацияси бўйи- ча Янгибозор тумани хотин-қизлар қўмитаси раиси Тамара Ўразбоева, «Адолатли яраштириш комиссияси» номинацияси бўйича Урганч шаҳрида- ги «Кўҳна қалъа» маҳалла фуқаролар йиғини раиси Малика Аллазарова, «Энг фаол касаба уюшмаси ташкило- ти етакчиси» номинацияси бўйича таълим, фан ва маданият ходимлари касаба уюшмаси Урганч шаҳар кенга- ши раиси Сапаргул Бердиева, «Бар- камол авлод етакчиси» номинацияси бўйича «Камолот» ёшлар ижтимоий ҳаракати Урганч шаҳар кенгаши «Ка- малак» болалар ташкилоти раиси Шо- ира Бабаджанова ғолиб деб топилди ва диплом ҳамда қимматбаҳо совга- лар билан тақдирланишди.

Тадбир сўнгида воҳанинг таниқли санъаткорлари томонидан тайёрланган концерт дастури намойиш этилди.

Худойберган ЖАББОРОВ.
Хоразм вилояти.
Муаллиф олган суратлар.

Малакали кадрлар — ютуқлар гарови

Ички ишлар идоралари ходимлари эл-юрт осойишталигини таъминлаш, жиноятчиликнинг олдини олиш ва унга қарши курашиш, жиноятларни «киссиқ изида» фош этиш ҳамда жамоат тартибини сақлашдек шарафли вазифани адо этиши барчамизга бирдек маълум. Улар шарафли ва масъулиятли бурчларини аъло даражада бажаришлари учун ҳам маънан, ҳам жисмонан баркамол бўлишлари лозим. Бу борада Бухоро вилоятида кўплаб ибратли ишлар амалга ошириляпти.

Жумладан, кадрларни танлаш, жой-жойига қўйиш, ўқитиш, ходимларнинг касбий ва жанговар тайёргарлигини ошириш ҳамда раҳбариятнинг диққат марказида. Шахсий таркиб билан хизмат, жанговар ҳамда жисмоний тайёргарлик машғулоти ташкил этилгани ютуқлар омили бўляпти.

Ўтказилаётган машғулотларда раҳбарлик лавозимларида хизмат қилаётган ходимларнинг масъулиятини оширишга, уларнинг сиёсий онги, дунёқараши, касбий маҳорати, маъмурий ҳудуддаги тезкор вазиятни чуқур билишига эътибор берилмоқда. Шу билан бирга, жамоат тартибини сақлаш, фуқаролар хавфсизлигини таъминлаш, жиноятчиликка қарши кураш, унинг олдини олишда куч ва воситалардан белгиланган тартибда фойдаланиш, фавқулодда ҳолатларда тўғри қарорлар қабул қилиш, шахсий таркибни ватанпарварлик руҳида тарбиялаш ҳам эътибордан четда қолгани йўқ.

Вилоят ИИБ ШТБХ томонидан «Раҳбар кадрлар захирасини яратиш, уларни ўқитиш ва келгусида ушбу рўйхатга киритилган ходимлар билан ишлаш чора-тадбирлари дастури» ишлаб чиқилиб, амалиётга татбиқ этиляпти. Бу рўйхатга киритилган номзодларни танлашда асосий эътибор уларнинг давлат ва халқ манфаатларига садоқати, маънавий-ахлоқий хислатларига, зарурий касбий тайёргарликка эга эканлиги, ташкилотчилик, ташаббускорлик қобилиятларини намоён этиши, мамлакатимизда, дунёда содир бўлаётган ижтимоий-сиёсий ўзгаришларни давлат сиёсатидан келиб чиққан ҳолда тўғри баҳолай олишига қаратилди. Шунингдек, жамоат тартибини сақлаш ва жиноятчиликка қарши курашда жорий этилаётган замонавий техник усул, воситалардан фойдаланишни мукамал билиши, руҳий ҳолатининг мустаҳкамлиги, талабчан, изланувчан эканлиги, шахсий таркибга ижобий

таъсир кўрсата олиши ҳамда бошқариш қобилиятига эга бўлиши, қонунлар, қонуности ҳужжатлардан хабардорлиги, уларни амалиётга тўғри татбиқ эта олиши, жамоат ишларида фаол иштирок этиши каби фазилатлари мониторинг тартибда ўрганилиб, барча соҳавий хизматлар раҳбарлари ҳамда ходимларнинг фикр, тақлиф ҳамда мулоҳазалари инобатга олинди.

Бошқармада ходимларнинг жисмоний тайёргарлигига ҳам катта аҳамият қаратилган. Спорт жамиятни соғломлаштиришдан ташқари, кишининг куч-қувватини ошириб, унда мардлик, жасорат ва матонат каби хислатларни кучайтиришда ёрдам беради. Шунинг учун ҳам жисмоний тарбия ва спортга бўлган эътибор йилдан йилга кучаймоқда. «Динамо» ЖТСЖнинг режаси асосида ички ишлар идоралари ходимлари ўртасида спортнинг футбол, волейбол, кураш, қўл жанги, югуриш каби турлари бўйича мусобақалар, хотира турнирлари ташкил этиб борилмоқда.

Яна шуни айтиб ўтиш жоизки, вилоят ички ишлар идораларининг бўш офицерлар, сержантлар ва сафдорлар таркиби лавозимларига ўтказилган танловларда бир қатор маҳоратли спортчиларни етказиб бераётган таълим муассасалари билан ҳамкорлик яхши йўлга қўйилган. Ходимлар сафига спорт турлари бўйича вилоят, республика, Осиё ва Жаҳон миқёсидаги мусобақаларда юксак натижаларга эришган ёш спортчиларнинг қабул қилиниши шахсий таркибининг жисмоний тайёргарлик

даражаси янада ошишига кўмак бермоқда.

Шу билан биргаликда вилоят ИИБ ҳамда республика ИИБ терма жамоалари ўртасида ўтказилаётган турли мусобақаларда ходимларимизнинг юксак натижаларни қўлга киритишда муҳим аҳамият касб этмоқда.

Жумладан, вилоят ИИБ терма жамоасининг тўрт нафар аъзоси-сафдорлар М. Куччиев, О. Жўраев, Ф. Мустафоев ва Ҳ. Хусенов вазирлик терма жамоаси таркибида республика ҳуқуқни муҳо-

лий ёрдам кўрсатиляпти.

Соҳа фахрийлари билан яқиндан мулоқотда бўлиш ёш ходимларни кекса авлоднинг бой тажрибаларидан фойдаланишга, ибратли ишларни давом эттириш ҳамда янада мустаҳкамлашга ундамоқда. Бугунги кунда вилоят ички ишлар идораларида хизмат қилаётган ходимларнинг аксариятини ёшлар ташкил этади. Шу сабабдан ҳам

МАҲОРАТЛИ ХОДИМЛАР — СОҶА ТАЯНЧИ



фаза қилувчи идоралари ўртасидаги спортнинг волейбол тури бўйича ўтказилган мусобақаларда иштирок этиб, юқори натижаларга эришишга муносиб ҳисса қўшишди. Шунингдек, республика ҳуқуқ-тартибот идоралари Қўл жанги федерациясининг ташаббуси билан ўтказилаётган мусобақаларда вилоят ИИБ терма жамоаси аъзолари, кичик сержантлар И. Саидов, Ж. Жумаев, И. Асадов ва сафдор И. Дўстов ИИВнинг Қўл жанги бўйича терма жамоаси таркибида қатнашиб, ўз вазн тоифаларида юқори натижаларни қўлга киритишди.

Тасдиқланган режа-топшириқлар асосида вилоят ИИБ ШТБХ томонидан шаҳар ва туманларга хизмат сафари ташкил этиляпти. Бу жараёнда шахсий таркиб билан олиб борилаётган машғулотларнинг сифати, ходимларнинг фаол иштироки, мавзуларнинг ўзлаштирилишига асосий эътибор берилмоқда. Шунингдек, зарур ҳолларда ама-

ўтказилаётган учрашувлар асосан ёшлар тарбияси, уларга мураббийлик қилиш масалаларига бағишланапти. Бундан ташқари, раҳбарлар томонидан шахсий таркиб билан яқка тартибда суҳбат ўтказилиб, уларнинг оилавий шароити ўрганиляпти. Ходимларга ўз вақтида меҳнат таътили берилиб, уларнинг маданий дам олиши ҳамда даволалиши учун барча шароитлар яратилган.

Хизмат чоғида кўрсатган мардлиги ва фидойилиги учун ходимлар мунтазам рағбатлантириб борилмоқда. Уларнинг айримлари давлатимизнинг юксак мукофотлари билан тақдирланган. Масалан, ўтган йили Ватан ҳимоячилари кўни муносабати билан Президентимизнинг Фармонида биноан вилоят ИИБ ЖҚ ва ТҚКБ катта тезкор вакили, майор Сулаймон Каримов «Жасорат» медали соҳиби бўлди. Ўз хизматлари билан бошқа ҳамкасбларига намуна бўлаётган яна бир гуруҳ ходимлар эса Ички ишлар вазирининг буйру-

ғига кўра «А'lo xizmatlari uchun» кўкрак нишони, эсдалик қўл соати, Фахрий ёрлик ва пул мукофотлари билан тақдирланишди. Мустақиллик байрами ва Ички ишлар идоралари ходимлари кўни муносабати билан ҳам бошқарма АВБСО командирининг ўринбосари, капитан Акбар Ёқубов «Жасорат» медали, вилоят ИИБ ЁХБ штаб бошлиғи, подполковник Жўра Ражабов «Меҳнат шухрати» ордени ҳамда Когон шаҳар ИИБ тергов бўлинмаси бошлиғи, майор Жамшид Тангриев «Шухрат» медали билан мукофотланди.

Хизмат вазифасини бажариш чоғида ҳалок бўлган ходимларнинг оила аъзоларига, ички ишлар идораларидаги фаолияти давомида ногирон бўлиб қолганларга ғамхўрлик кўрсатиш, моддий ва маънавий кўмак бериш ишлари узлуксиз амалга ошириб келинмоқда. Айниқса, байрамларда уларнинг ҳолидан хабар олиниб, совға-саломлар улашиляпти. Ички ишлар идораларида кўп йиллар хизмат қилиб, нафақага чиққан ва шифохоналарда даволанаётган фахрийлар ҳолидан ҳам тез-тез хабар олинаяпти.

Ходимларнинг ҳуқуқий маданиятини ошириш борасидаги ишлар ҳам мақтовга арзигулки. Мамлакатимизда қабул қилинаётган янги қонунлар, амалдаги қонунларга киритилаётган қўшимча ва ўзгаришлар, Президентимизнинг Фармон ҳамда Қарорлари, ИИВнинг буйруқ, фармойишлари, бошқа норматив-ҳуқуқий ҳужжатлар ўз вақтида ходимларга етказилиб, уларнинг қўлланиш усуллари тушунтириб берилмоқда. Энг асосийси, шахсий таркиб орасида хизмат интизоми ва қонун бузилишининг олдини олишга, уларни ички ишлар идораларининг етуқ ходимлари бўлиб етишишларини таъминлашга эътибор қаратилаяпти.

Шухрат ЖАЛОЛОВ,
майор.
Бухоро вилояти.

Инсонпарварлик намунаси

ЖАЗОДАН ОЗОД ЭТИЛДИЛАР

Олий Мажлис Сенатининг «Ўзбекистон Республикаси Конституцияси қабул қилинганлигининг йигирма икки йиллиги муносабати билан амнистия тўғрисида»ги Қарори ижросини таъминлаш мақсадида Фаргона шаҳридаги тергов ҳибсхонасида суд жараёни бўлиб ўтди. Унда суд, прокуратура, ички ишлар идоралари ходимлари билан бирга халқ депутатлари вилоят кенгаши вакиллари ҳам иштирок этишди. Шу кунги амнистия тўғрисидаги қарорга асосан 20 нафардан зиёд маҳкум жазодан озод этилди.

— Яна 24 нафар маҳкумнинг жазо муддати тегишли тартибда қисқартирилди, — дейди муассаса бошлиғи, полковник А. Эсонов. — Озодликка чиқаётган

маҳкумлар билан суҳбат ўтказилиб, уларнинг келгусида хатоларга йўл қўймасликлари, жамиятнинг тенг ҳуқуқли аъзоси сифатида оила аъзолари ва яқинларига наф

келтирадиган фойдали ишлар билан шуғулланишлари ҳақида маслаҳатлар берилди.

Тошлоқ туманилик Фуломназир Парпиев Ўзбекистон Республикаси Жиноят кодексининг тегишли моддасига асосан беш йил муддатга озодликдан маҳрум қилинган. У амнистия туфайли муддатидан олдин оиласи бағрига қайтаётганидан хурсанд.

— Менга кўрсатилган ғамхўрликни ҳалол меҳнатим, файрат-шижоа-

тим билан оқлашга сўз бераман. Юртимга, оила аъзоларимга ва халқимизга манфаат келтирадиган ишлар билан шуғулланиб, мамлакатимизнинг порлоқ келажиги учун ўз ҳиссамни қўшаман, — дейди у.

Вилоятда мазкур Қарор талабларини бажариш бўйича тадбирлар дастури ишлаб чиқилиб, амалга оширилмоқда. Ички ишлар идоралари ходимлари хусусан, профилактика инспекторлари маҳалла

фаоллари ва бошқа му-тасадди идоралар вакиллари билан ҳамкорликда амнистияга асосан жазони ижро этиш жойларидан озод этилган шахсларга белгиланган миқдорда моддий ёрдам кўрсатиш, уларни тиббий кўриқдан ўтказиш, фуқаролик паспортлари билан таъминлаш ишларини ташкиллаштиришяпти. Шунингдек, озод қилинганлар томонидан қайта жиноят содир этилишининг олдини олиш мақсадида уларнинг оила-сидаги муҳит атрофли-ча ўрганилиб, маҳалла-

лардаги обрўли фуқаролардан, тадбиркорлардан мураббийлар бириктириш, меҳнат ва аҳолини иш билан таъминлаш бўлимлари билан биргаликда ишга жойлаштириш чоралари кўрилмоқда.

Ҳа, кечиримлилик халқимизга хос одат, давлатимиз томонидан олиб борилаётган сиёсатнинг инсонпарварлигидан далолат. Ўйлаймизки, жазодан озод этилганлар бундан тўғри хулоса чиқаришади.

Бўрибой ОМОНЗОДА.
Фаргона вилояти.

ҲУҚУҚ-ТАРТИБОТ ВА

АМАЛИЙ САЪЙ-ҲАРАКАТЛАР САМАРАСИ




Тошкент вилояти Пискент туманидаги Гулистон маҳалласининг тинчлик-осойишталигини таъминлаш, ҳуқуқ-тартиботни мустаҳкамлаш профилактика инспектори, капитан Улуғбек Бековнинг зиммасига юклатилган. Маҳалла фуқаролар йиғини билан бир бирода жойлашган милиция таянч пунктида яратилган шароитлардан

кўз қувнайди: компьютер жамламаси ва алоқа воситалари, мўъжаз кутубхона, фуқароларни қабул қилиш учун махсус жиҳозланган жой, посбонлар ва кўчабошиларга ажратилган хона, хуллас, хизматни кўнгилдагидек ўташ учун неки зарур бўлса, барчаси мужассам бу ерда.

– Жиноятчиликка қарши курашиш, ҳуқуқбузарликларнинг олдини олишда кўнгилсиз ҳолатлар келиб чиқмаслигини таъминлаш борасида ибрат кўрсатишимизни тақозо этади, – дейди профилактика инспектори, капитан У. Беков. – Мақсадга эришиш учун фуқароларимиз билан тез-тез учрашувлар ташкил этаймиз. Бундан ташқари, ёшлар ўртасида спорт турлари бўйича мусобақалар ўтказилиши ҳам одатга айланган. Бу мусобақалар мунтазам уюштирилиб, голиблар пул мукофотлари, фахрий ёрлиқ билан тақдирланади.

Милиция таянч пунктимиз ёнида туманимиз ва ҳудуддаги олтита қишлоқ тарихидан сўзловчи музей ҳамда кичик бўлса-да, ҳайвонот боғи ташкил этганмиз. Улар ҳар доим нафақат ёшлар, балки ота-оналар билан ҳам гавжум бўлади. Олиб борилаётган ана шу саъй-ҳаракатлар натижасида яқунланган йилда бирорта ҳам ҳуқуқбузарлик содир этилмади.

Профилактика инспекторининг таъкидлаганича бор: обод маҳаллада истиқомат қилаётган фуқаролар давлатимиз яратиб бераётган қулайликларга жавобан юксак маънавиятли кишилар эканликларини ҳам намоён этишмоқда. Бу жиҳатдан ҳафтада бир бор ўтказилаётган «Маънавиятли эл ҳар ишга қодир» мавзудаги тадбир, айниқса, диққатга сазовор. Ушбу тадбир доирасида ҳафтанинг шанба кунинда фуқаролар турли долзарб мавзуларда маърузалар тинглаша-



ди. Шунингдек, яқунланаётган ҳафтада бутун дунёда, қолаверса, мамлакатимизда, вилоят, туман ва маҳаллада бўлиб ўтган воқеа-ҳодисалар, янгиликлар тўғрисида фикр-мулоҳазалар билдирилади, лозим бўлса, зарур чора-тадбирлар кўрилади. Шунга кўра, маҳалла аҳлининг бандлиги, ёшлар таълим-тарбияси каби муҳим масалалар маҳалла оқсоқоли, фаоллар ва профилактика инспектори ҳамкорлигида кўриб чиқилиб, таҳлил этилади.

Профилактика инспектори, капитан Улуғбек Беков ва маҳалла оқсоқоли Шерали Кенжаев ҳамкорликда олиб борилаётган ишлар ҳақида гапираркан, чамаси эллик

ёшлардаги кишининг хонага кириб келиши эътиборимизни тортди.

– Бу киши Меҳриддин ака (исми ўзгартирилган). Уч йилдан буён ўзга юртларда ишлаб юради. Яқинда келган экан, суҳбатлашиш учун чақиртирдим, – деди профилактика инспектори.

Меҳриддин хорижда ишлашдан мақсади кўпроқ пул топиб, уй-жой қурмоқчилигини билдирди.

– Мақсадингизга эришдингизми? – сўрадик ундан.

– Қайда, рўзгордан орттириб уч йил йиққанам ёғоч ва цементга етди, холос.

– Яхшироқ хунарингиз йўқдир-да, – яна саволга тутдик Меҳриддинни.

– Чилангар устаман. Бундан ташқари, қурувчилик ҳам кўлимдан келади, – жавоб берди у.

– «Узоқнинг бугўйдидан яқиннинг сомони яхши» деб бежиз айтишмаган, – суҳбатга қўшилди маҳалла раиси. – Эсингизда бўлса, аввал ҳам мана шу хонада – профилактика инспектори билан биргаликда айна шу масалада суҳбатлашган эдик. Ўшанда маҳалламиз янада кенгайишини, 50 та намунавий лойиҳада янги уй қурилишини айтиб, улардан бирини олиш учун зарур ҳужжатларни тайёрлашни маслаҳат бергандик.

Ҳатто бир неча жойдан яхшигина маошлик иш ҳам таклиф қилгандик. Лекин яна ўз билганингиздан қолмай, ўзга юртларга кетиб қолибсиз.

Мана, ўша уйлар уч-тўрт ойда қуриб битказилди, ҳадемай ўз эгаларига топширилади. Уларнинг барчаси сиз каби оддий кишилар, шу ерда ишлашади, оила боқиб, орттирганига мана шундай уйларни олишяпти...

Ушбу мисолга эътибор қаратишимизнинг боиси бор. Қўлида гулдай хунари бўлса-да, мўмай даромад топиш илинжида кимларнингдир ёлғон ваъдаларига учиб хорижий давлатларга бориб, охир-оқибат қатор қийинчиликлардан сўнг зўрға уйига етиб келганлардан ўн беш нафари маҳалла ҳудудида истиқомат қилади. Маҳалла фаоллари ва профилактика инспектори томонидан ўз вақтида уларни иш билан таъминлаш бўйича тегишли чора-тадбирлар кўрилади. Эътиборли жиҳати, ана шу кишиларнинг етти нафари янги қурилаётган уйлар учун банклардан имтиёзли кредит олиб, дастлабки маблағни тўлаб қўйишибди. Яқин орада замонавий уйларга кўчиб ўтиб, уй тўйлари қилиш тадоригини кўришмоқда.

– Ҳозир туман пахта тозалаш заводида ишляпман, – дейди Нуриддин Мамадалиев. – Профилактика инспектори ва маҳалламиз оқсоқолининг маслаҳати ва амалий ёрдами билан ўтган йили намунавий лойиҳа асосида қурилган уйлардан бири бизнинг оиламизга насиб этди. Мана шундай обод ва озод, тинчлик ҳукмрон бўлган давлатда яшаётганимдан хурсандман.

Улуғбек ТУЙМАОБОВ,
подполковник.

Абдусами ҲАҚБЕРДИЕВ,
журналист.

Суратда: Профилактика инспектори, капитан У. Беков маҳалла фаоллари билан суҳбатлашмоқда.

Шавкат КАҲҲОРОВ олган сурат.
Тошкент вилояти.

Маҳалла фидойилари

ЧОЛИШЛИК ПОСБОН

Урганч туманидаги Чолиш кўрғони транспорт воситалари оқими бир зум тинмайдиган катта йўл ёқасида жойлашган. Амударёга янги кўприк қурилиб фойдаланишга топширилгач, транспорт қатнови янада ошди. Бир томони Қорақалпоғистон Республикасининг Беруний тумани, бошқа томони воҳанинг Хонқа ва Янгибозор туманлари билан чегарадош. Шунинг учун масканга савдо-сотиқ ва бошқа юмушлар билан келиб-кетувчилар кўп. Қадамбой Якубов ана шу кўрғонда «Маҳалла посбони» жамоат тузилмасига раҳбарлик қилади.

– Чолишга келаётганларнинг ҳаммасини ҳам эзгу мақсадда ташриф буюраёпти деб бўлмайди, – дейди Қ. Якубов. – Муқаддам бир неча марта қамалиб чиққан янгибозорлик И. Соҳиббек ана шундай гайрли мақсадда келганлардан бири экан. У Чолишга келиб шолиторлар чеккасида боғлиқ турган қорамолларни тунда жиноий шериклари билан «Газ-469» русумли автомашинада олиб кетишга уринди. Биз қишлоққа номалум, шубҳали кишилар келганлиги ҳақида дарҳол профилактика катта инспектори, майор Шермат Жуманазаровга хабар бердик. Уйлаб ўтиришга вақт йўқ эди. Шунинг учун

тезда «Маҳалла посбони» жамоат тузилмасининг бир неча аъзоларини йиғдик ва майор Ш. Жуманазаров раҳбарлигида ўғриларни ушлашга киришдик. Мол ўғрилари бизни кўриб қочиб уринди. Лекин бунга йўл қўймай, уларни ашёвий далиллар билан воқеа жойида қўлга олдик.

Кўрғон ҳудудида тинчлик ва осойишталикни сақлаш, ҳуқуқбузарликлар ва жиноятчиликнинг олдини олишга Қадамбой Якубов муносиб ҳисса қўшиб келмоқда. Аҳоли ўртасида ва ёшлар билан ўтказилаётган учрашувларда ҳам фаол қатнашиб, соғлом турмуш тарзини таъминлаш бўйича ўз фикрлари би-

лан ўртоқлашади, уларни амалга ошириш йўллари юзасидан таклифлар киритади.

– Қадамбой нафақат посбон сифатида фаолият кўрсатади, балки маҳалламизга тааллуқли бўлган бошқа муаммоларни ҳал қилишда ҳам қатнашади, – дейди «Чолиш» кўрғон фуқаролар йиғини раиси Алишер Сапаев. – Ҳудудда ободончилик ишларини ташкил этишда бош-қош бўлади, оилалар ўртасида чиқаётган айрим низо-ларни бартараф этишда иштирок этади.

Ҳа, тумандаги йирик аҳоли масканларидан бири бўлган «Чолиш» кўрғон фуқаролар йиғини ҳузуридаги «Маҳалла посбони» жамоат тузилмаси раҳбари Қадамбой Якубов ички ишлар идоралари ходимлари билан яқин ҳамкорликда тинчлик ва осойишталикни таъминлаш борасидаги ўзига юклатилган вазифани сидқидилдан адо этмоқда.

Мирза АБДУЛЛАЕВ,
майор.
Хоразм вилояти.



ЎЗ ВАҚТИДА ПАСПОРТ ОЛИШМОҚДА

Паспорт столи биносида кутувчилар учун барча қулайликлар яратилган. Кенг, шинам кутиш залига телевизор қўйилган. Фуқаролар то навбатлари келгунича унда биометрик паспорт ҳақида видеоролик томоша қилишлари, газета-журналлар билан танишишлари мумкин. Навбати келгач, фуқаро ҳақидаги тегишли маълумотлар компьютер хотирасига киритилади, унинг сурати ва қўл-бармоқ изи нусхалари олинади.

Туман аҳолиси биометрик паспорт олиш давр талаби эканлигини яхши тушунади. Шу сабабдан бу ишни пайсалга солиб ўтирмайди. Улар идорага белги-ланган вақтда келишади. Шунинг учун узундан-узук навбатда туришмайди, асабийлашмайди. Ҳужжат тайёр бўлганида унинг эгасига бу ҳақда СМС хабари юборилади. Кўриб турганингиздек, бу ерда ортиқча овозгарчиликларга барҳам берилган, одамларнинг вақтини тежаш учун барча чоралар кўрилган.

Андижон вилояти Булоқбоши тумани ИИБ паспорт столида иш яхши йўлга қўйилган. Шу боисдан фуқаролар шахсини тасдиқловчи ҳужжатни ўз вақтида олишмоқда. – Бизда биометрик паспорт бериш 2012 йилда бошланган эди. Ҳозиргача 35 миндан зиёд фуқарога ушбу ҳужжат топширилди, – дейди туман ИИБ паспорт столи инспектори, кичик сержант Ислонбек Ахтамов.

Соҳа ходимлари аҳолига фуқаролик ҳужжатини расмийлаштиришдан ташқари «Паспорт-виза» профилактик тадбирида ҳам фаол иштирок этишади. Шунингдек, мактаб битирувчилари, коллеж ўқувчилари билан ўз вақтида биометрик паспорт олиш лозимлиги ҳақида суҳбат ўтказишади.

Борис КЛЕЙМАН,
Андижон вилояти.

Суратда: туман ИИБ паспорт столи инспектори, кичик сержант Ислонбек Ахтамов.

Муаллиф олган сурат.

ОСОЙИШТАЛИК ЙЎЛИДА

МАСЪУЛИЯТИМИЗНИ
УНУТМАЙЛИК

Миробод туманида яшовчи ўсмир В. Артём уйдан чиқиб кетиб, мактабга борма кўчада сангб юрганида профилактика инспектори томонидан ички ишлар идорасига олиб келинди. Туман ИИБ вояга етмаганлар ўртасида назоратсизлик ва ҳуқуқбузарликлар профилактикаси гуруҳи инспектори, капитан Нигора Комилова у билан суҳбатлашиб, оилавий шароитини ўрганди. Маълум бўлишича, ўсмирнинг ота-онаси вафот этиб, кекса бувисининг қарамоғида қолган экан. Бувиси уни тарбиялашда қийналаётганини айтди. Ўсмир профилактик рўйхатга олинди. Мунтазам равишда якка тартибда суҳбатлар ўтказилди. Унинг қизиқиши ҳисобга олиниб, футбол тўғрисида жалб этилди, маҳалла ва таълим муассасасидан мураббий бириктирилди.

– Айрим ота-оналар тарбияни панду насихатдан иборат деб тушунишади, – дейди капитан Нигора Комилова. – Ваҳоланки, фарзандларни тарбия қилар эканми, уларни назорат қилишни ҳам эздан чиқармаслик керак. Айниқса, мактаб ёшидаги болаларнинг юриш-туришидан огоҳ бўлиб туриш жуда зарур экан. Бунга хизмат давомида кўп марта иқроор бўлдим. В. Артёмнинг бувиси кексайиб қолгани учун ўсмирни назоратда ушломмаган ва бола ўз билганича иш тутадиган бўлиб қолган.

Тумандаги аҳолининг қирқ бир минг нафарга яқини вояга етмаганлардан иборат. Уларнинг баркамол авлод бўлиб улгайишлари учун барча шароитлар яратилган. Ҳар бир мактаб ва касб-хунар колле-



жи қошида спорт, санъат, хунармандлик тўғрисида ташкил этилган.

Туман ИИБ ҲООБ ВЕЎН ва ҲПГ инспекторлари, капитан Нигора Комилова ҳамда лейтенант Равшан Исомутдинов томонидан таълим муассасаларида мунтазам учрашувлар, маърифий тадбирлар ташкил этилмоқда. Жумладан, 2014 йил мобайнида «Диний экстремизм – инсоният душмани», «Гиёҳвандлик – аср вабоси», «Одам

савдосидан огоҳ бўлинг» ва бошқа долзарб мавзуларда икки юз маротабадан ортиқ давра суҳбатлари ўтказилди. Тадбирларнинг таъсирчанлигини ошириш мақсадида бу каби жиноятларнинг аянч-

ли оқибатлари тасвирланган видеороликлар намойиш этилди.

Олиб борилаётган профилактик ишларнинг самараси ўлароқ ўтган йили вояга етмаганлар ўртасида жиноят содир этилиши аввалги йилларга нисбатан икки баробарга камайди. Халқимизда «Куш уясида кўрганини қилади», деган нақл бор. Гиёҳвандлик домига илинган, ичкиликбозликка муккасидан кетган ёки



оилавий жанжални канда қилмайдиган айрим ота-оналар борки, улар фарзандлари келажагини ҳам хавф остида қолдираётганини тушуниб етмайди. Ана шундайлар ҳам ўз вақтида профилактик ҳисобга олиниб, маҳалла фаоллари ва иш жойларидан мураббийлар бириктирилипти. Ҳуқуқбузарлик содир этган ёки шунга мойиллиги сезилган вояга етмаганлар ҳам зудлик билан аниқланиб, тегишли чоралар кўриломоқда. Улар ўзларининг қизиқишлари асосида тўғрарларга жалб этмоқда.

Кўрилган чоралар қор қилмаган уч нафар ўсмирга нисбатан тегишли ҳужжатлар расмийлаштирилиб, улар махсус таълим муассасаларига жойлаштирилди.

Бола бошидан, дейди доно халқимиз. Юртимиз келажаги ёшлар қўлида экан, уларни бекаму кўст улгайиши, Ватан, эл-юрт қорига ярайдиган инсонлар бўлиб вояга етишлари учун барчамиз масъулиятни бирдек ҳис этсак, кўзланган натижаларга эришиш янада осонлашади.

Иномжон ИМОМХЎЖАЕВ.

ҲАР БИР ҲОЛАТ ЭЪТИБОРДА

Кечки изғирин турган пайт. Кимдир майдалаб ёғайтган ёмғирдан ўзини панага олса, яна кимдир уйига шошилади. Шаҳар кўчалари гавжум. Одатдагидек ички ишлар идораларининг патруль-пост хизмати ходимлари атрофни назорат қилиб юришибди. Улар ёмғирни писанд қилмай, у ёқ, бу ёққа шошилаётган кишиларни кузатишади. Вақт ўтгани сайин одамлар сийраклашиб, шаҳар кўчаларидаги гавжумлик ўрнини сукунат эгаллай бошлади. Онда-сонда бир-икки кишининг юргани, автомашинанинг ўтганини ҳисобга олмаса, атрофда осудалик ҳукмрон. Бу пайтда кўпчилик уйда – оила даврасида дам олмоқда, аммо Жиззах вилояти ИИБ ППХ ва ЖТСБ ППХ батальони ходимлари эса шаҳар кўчаларини назорат қилишда давом этмоқда.

Уларни паналаб бораётган кимса ходимларнинг эътиборини тортди. Хушёр йигитлар тезда унинг йўлини тўсиб чиқишди. Гарчи бу кимса ўзини бамайлихотир тутишга ҳаракат қилса-да, нимадандир хавотирланаётгани сезилиб турарди. Ходимлар ундан кимлиги ва қаерга кетаётганини суриштиришганида, озгина каловланиб қолди ва ёнида ҳеч қандай ҳужжати йўқлигини айтди.

– Ўз шаҳримда ҳам ҳужжат билан юришим керакми? – деди у овозини баландлатиб.

Унга яхшилаб разм солган йигитлар қидирувдагилардан бирига ўхшатдилар ва шаҳар ИИБга олиб бордилар. Ҳақиқатан ҳам бу кимса Ўзбекистон Республикаси Жиноят кодексининг урта моддаси бўйича айбланган ва терговдан қочиб юрган А. Хўжамқул экан.

Батальон ходимлари томонидан ўтган йил да-

вомида жиноятчиликка қарши курашиш, унинг олдини олиш, намунали жамоат тартибини сақлаш, содир этилган жиноятларни ўз вақтида фош этиш, фуқароларнинг хавфсизлигини таъминлаш борасида бир қатор ишлар амалга оширилди. Ҳозирги кунда жамоа шахсий таркибининг хизмат фаолияти Жиззах шаҳрида икки босқичда ташкил этилган. Батальон ходимлари ўтган йили бошқа соҳавий хизматлар билан ҳамкорликда амалга оширилган «Тозалаш – Антитеррор», «Қалқон», «Тун» ва бошқа тезкор-профилактик тадбирларда ҳам фаол иштирок этишди. Талончилик, безорилик, ўзгалар мулкни ўғирлаш, транспорт воситасини олиб қочиш ва бошқа ҳолатлар билан боғлиқ 90 дан ортиқ жиноят улар томонидан фош этилди.

Жиззах шаҳар Ш. Рашидов кўчасида яшовчи Т. Ойбек ариза билан



мурожаат этиб, маҳалла ҳудудида қурилаётган савдо дўконидан ҳар бири 400 минг сўмлик икки дона «Акфа» деразаларини номаълум шахс ўғрилаб кетганини маълум қилган. Олиб борилган тезкор суриштирув ишлари давомида бу ўғриликни шаҳарнинг Боғдон кўчасида яшовчи Т. Мухтор содир этганлиги аниқланиб, ашёвий далил

сифатида икки дона «Акфа» деразалари ҳужжатлаштирилиб олинган.

Кўтарма маҳалласида яшовчи О. Ўткирнинг уйига Даштобод шаҳрилик муқаддам судланган Ш. Собир девордан ошиб тушиб, 30 минг сўм пул ва икки жуфт аёллар тилла зирагини олиб кетаётган вақтида шу ма-

қоидаларга амал қилмаётган 25 мингдан ортиқ фуқаро ходимларимиз томонидан ички ишлар идораларига, милиция таянч пунктларига, аниқ яшаш ва иш жойи бўлмаган шахсларни реабилитация этиш марказларига, мастлик ҳолатидаги шахсларни реабилитация этиш пунктларига келтирилди, – дейди вилоят ИИБ ППХ ва ЖТСБ патруль-пост хизмати батальони командири, подполковник Фарҳод Шайзоков. – Маъмурий ҳуқуқбузарликлар содир этган шахслар учун жавобгарлик муқаррарлигини таъминлаш, профилактик тадбирларни олиб бориш натижасида майда безорилик содир этган, жамоат жойларида спиртли ичимликлар истеъмол қилган, паспорт тизими қоидаларига риоя этмаган, йўл ҳаракатлари қоидаларини бузган ва бошқа ҳуқуқбузарликлар содир этган етти мингдан ортиқ шахсларга маъмурий тартибда баённомалар тузилди.

Батальон ходимлари кўпроқ профилактика инспекторлари билан ҳамкорликда турли тадбирларда иштирок этишади. Йил давомида беш юзга яқин маъмурий назорат остида турган шахслар, саккиз юздан

ортиқ профилактик ҳисобда бўлган шахслар ҳамда ов қуролига эга бўлган фуқаролар текширилди.

Вилоят ҳудудида ўтказилаётган «Қидирув» тадбирлари давомида ППХ батальон ходимлари жиноят содир этиб тергов ва суд идораларидан қочиб юрган тўққиз нафар қидирувдаги ва бедарак йўқолган бир нафар шахсни аниқлаб, тегишли чоралар кўришди. Наманган вилояти Чуст тумани ИИБ томонидан бедарак йўқолганлиги сабабли қидирувда бўлган Пахлавон Абдулазизов Жиззах шаҳар Заргарлик маҳалласи ҳудудида мақсадсиз юрганиги аниқланиб, доимий яшаш жойига қайтарилган.

Кишилар туну билан беҳавотир ором олиб, эрталаб яна ишга, ўқишга отланишади. Улар куним хайрли, осойишта ўтсин деб ният қилишади. Ниятлари ижобат бўлади, албатта. Чунки тинчлик-осойишталикни сақлаш мақсадида патруль-пост хизмати ходимлари туну кун сергак туришибди.

Садриддин ШАМСИДДИНОВ.

Жиззах вилояти.

Суратда: ППХ батальони ходимининг тунги хизматида лавҳа.

Муаллиф олган сурат.





Маърифат ва сиёсий ўқиш

Соҳибқирон бобомиз Амир Темурда шундай ҳикматли гап бор: «Икковлон бир-бирларинг билан жанжаллашманг — икковингиз ҳам мағлуб бўласизлар». Бу ҳикмат айни замон учун ҳам аҳамиятини йўқотмаган. Буюк аждодимизнинг донишмандлигини қаранг. Неча юз йиллар илгари бобокалонимиз инсониятни огоҳлантирган. Тинчлик муқаддас, бебаҳо неъмат эканлигини эътироф этган. Юз минг отлик аскар қилолмаган ишни бир тўғри тadbир билан амалга оширган буюк саркарда бизга қолдирган бой мероси замирида тинчлик ва тараққиёт, фаровонлик, ободлик тушунчалари уйғунлашган.

Тинчлик ва тараққиёт, фаровонлик ўз-ўзидан келмайди. Бу неъматларнинг барқарор ва мустақам бўлиши учун уларнинг мазмун-моҳиятини англашимиз, зарур бўлса, бу йўлда курашимиз даркор.

Бугун дунёдаги вазият шиддат билан ўзгариб, хавфсизликка нисбатан таҳдид ва хатарлар тобора кучайиб бормоқда. Қуролли Кучларни модернизация қилиш, дематки салоҳияти ва қудратини, мамлакатимизга қарши қаратилган ҳар қандай тажовузга ўз вақтида, муносиб зарба бериш қобилиятини ошириш, улуг неъмат — тинчликни кўз қорачиғидек асраш алоҳида аҳамият касб этаётир. Шунинг учун Қуролли Кучларни қўллаш стратегияси ва тактикасини янада такомиллаштириш, жанговар операцияларни олиб бориш бўйича замонавий тажрибани чуқур, пухта эгаллашга катта эътибор берилаяпти.

Президентимизнинг 2014 йил 9 декабрдаги Ватан ҳимоячилари кунини нишонлашга тайёргарлик кўриш ва уни ўтказиш тўғрисидаги фармойишига мувофиқ «Ватан улуг — бурчим муқаддас» умумий шиори остида мамлакатимиз бўйлаб Ватан ҳимоячилари кунига бағишланган тadbирлар ўтказилмоқда. Мустақил тараққиётимиз тарихида энг ёрқин саҳифалардан бири бўлган миллий армиямиз ташкил топган кун нафақат ҳарбий хизматчилар, балки Қуролли Кучлар сафида муқаддас бурчини ўтаб қайтган ва хизматга боришга шайланаётган минг-минглаб мард, навқирон фарзандларнинг, уларни дуолари билан қўллаб-қувватлаётган отахону онахонларнинг, сеvimли ёрининг аскарликдан қайтишни кутаётган лобар қизларнинг, умуман, халқимизнинг энг азиз байрамларидан бирига айланиб улгурди. Ватан ҳимоячилари кунининг энг улуг, энг азиз айём — Мустақиллик байрами сингари нишонланаётгани мазкур шукуҳли сананинг йилдан йилга қалблиримиздан чуқур жой олиб бораётганидан, кўнглимизнинг бу байрамга муштоқлигидан, энг муҳими, халқимизнинг ўз ҳимоячиларига бўлган юксак эътибори, ҳурматидандир.

Халқимизда бежиз «Ватан остонадан бошланади», дейилмайди. Ватанни ҳимоя қилиш — инсоннинг ўз остонасини, ўзни уйини, оиласини, сеvimли ёр ва болаларини, яқинларини, ота-болаларининг табарруқ хоки ётган

ВАТАННИ ҲИМОЯ ҚИЛИШ — МУҚАДДАС ВАЗИФА

муқаддас тупроқни ҳимоя қилиш, дегани.

Асрлар силсиласидан ўтиб келаётган бир ҳақиқат бор. Яъни Ватанни севиш инсон руҳиятига жо бўлган туйғу. Яшаганда ҳузур-ҳаловат, олис кетганда соғинч, хавф туғилганда муудофаа, камситилганда эса ғазаб ҳисларини пайдо қилишига ана шу ҳилқат — Ватанга муҳаббат сабаб. Ҳа, ҳикматларда ҳаёт ҳақиқати мужассам. Шунга ҳамоҳанг ватанпарварларнинг энг сараси юртидан олислаганда қалбини соғинч ўртайдигани, сарҳадларига кимдир дахл қилса, кўксини қалқон қиладигани, кескир сўзи, иши билан Ватанига хизмат қиладигани дейилса, айни ҳақиқатни айтган бўламиз.

Президентимизнинг «Мустақиллик — бу аввало ҳуқуқдир», деган пурмаъно фикрлари бор. Таъкидлаш лозимки, бу халқимизнинг ўз кучи, билими ва салоҳиятига таяниб, ўзининг тараққиёт йўлини белгилаб олиш ҳуқуқи дегани. Истиқлол йўлида шахид кетган, бу дорилмомон кунларни орзу-армон қилиб ўтган аждодларнинг асрий орзу-ниятларини, истакларини рўёбга чиқариш ҳуқуқи дегани. Ҳеч қачон ҳеч кимга қарам бўлмаслик, ҳеч қачон ҳеч кимдан кам бўлмаслик ҳуқуқи дегани. Демак, ўзининг бундайин ҳуқуқларини ҳимоя қилолмайдиган миллат, халқни том маънода мустақил деб бўлмайди. Шу нуқтаи назардан олиб қараганда, ҳуқуқларимизни ишончли ҳимоя қилиш истиқлолни, озодлигимизни ҳимоя қилиш дегани. Шукрки, истиқлол сабаб эришилган бундайин ҳуқуқларимизни ҳимоя қилишга қодир миллий армиямиз бор.

14 январь — Ватан ҳимоячилари кунини умумхалқ байрами сифатида нишонлар эканмиз, бу воқеанинг тарихий илдизларини яна бир бор эслаш ўринлидир.

Президентимиз Ислон Қаримов раҳнамолигида давр талаби

ва жаҳон андозаларига жавоб берадиган Қуролли Кучларни барпо этиш, мамлакатимиз мустақиллиги, хавфсизлиги ва ҳудудий яхлитлигини таъминлаш ҳамда миллий армиямизни шакллантириш йўлида кенг қўламли ишлар амалга оширилди ва оширилмоқда. Уларнинг барчаси мамлакатимиз муудофаа қудратининг янада мустақамланишига хизмат қилмоқда.

Яхши биламизки, 1991 йилнинг 31 августида «Ўзбекистон Республикаси давлат мустақиллигининг асослари тўғрисида»ги Қонун қабул қилиниб, бу муҳим ҳужжат ёш республикамизга ҳарбий сиёсатни амалга ошириш ҳуқуқини берди. Мазкур Қонун, «Ўзбекистон Республикасининг давлат мустақиллиги тўғрисида»ги баёнот

кистон Республикаси тасарруфига ўтказиш тўғрисида қарор қабул қилинди. Ўзбекистон Республикасининг 1993 йилнинг 29 декабрида қабул қилган қонунига биноан 14 январь — Ватан ҳимоячилари кунини деб эълон қилинди.

Йигирма уч йил тарихан қисқа вақт. Ортда қолган мана шу давр ичида Ўзбекистон Қуролли Кучлари мураккаб шаклланиш йўлини босиб ўтди ва бугунги кунда сон жиҳатдан ихчам, ҳаракатчан, замонавий талабларга жавоб берадиган, яхши тайёргарликка эга бўлган армия сифатида ўзини намоян этмоқда. Мамлакатимизда Президентимиз, Қуролли Кучлар Олий Бош Қўмондони раҳбарлигида замон талабларига ва андозаларига тўла мос келувчи Қурол-

тadbирлар бугун халқ, армия бир тану бир жон деган тушунчанинг амалдаги тасдиғини яна бир бор кўрсатмоқда.

Халқ ва армия яқдиллигини Президентимизнинг 2014 йил 3 мартдаги «Ўзбекистон Республикаси Муудофаа вазирлиги Тошкент олий умумқўшин қўмондонлик билим юртиниинг Васийлик кенгашини тузиш тўғрисида» ги Қарорига мувофиқ Тошкент олий умумқўшин қўмондонлик билим юртида Васийлик кенгаши тузилгани мисолида ҳам кўриш мумкин.

Тошкент олий умумқўшин қўмондонлик билим юртиниинг Васийлик кенгаши олий-ҳарбий таълим муассасасининг самарали фаолият кўрсатиши ҳамда ривожланишига ёрдам берувчи жамоатчилик томонидан бошқариладиган орган ҳисобланиб, унинг таркибидан Олий ва ўрта махсус таълим вазирлиги, Маданият ва спорт ишлари вазирлиги, Ўзбекистон Республикаси Ёзувчилар уюшмаси, «Қамолот» ёшлар ижтимоий ҳаракати, Ўзбекистон муудофаасига кўмаклашувчи «Ватанпарвар» ташкилоти, Ўзбекистон миллий телерадиокомпанияси, «Ўзбеккино» миллий агентлиги, Ўзбекистон кассаба уюшмалари федерацияси ҳамда бошқа давлат, жамоат ташкилотлари масъуллари, эл-юртинизга таниқли инсонлар ўрин эгаллагани унинг мақоми қанчалар юксак эканлигидан далолат.

Васийлик кенгашида иккита — кадрлар тайёрлаш тизимини, шу жумладан, ўқув-тарбиявий жараёни, ўқув моддий-техник базани ривожлантиришни доимий мониторинг ва таҳлил қилиб бориш ҳамда билим юрти қўмондонлиги бу борада тақлиф, тавсияларни ишлаб чиқишга ёрдам берадиган, маънавий-маърифий, тарбиявий, ҳарбий спорт тadbирларини ташкил этишга кўмаклашадиган комиссиялар фаолият олиб боради.

Кенгаш олдида қўйилаётган мақсад, вазифалардан ҳам англаш мумкинки, фуқаролик жамияти институтларининг миллий армиямизга тобора кенг татбиқ этилиши мамлакатимизнинг ҳарбий курилиш ва муудофаа соҳасидаги ислоҳотлари янада ривожланишига хизмат қиладди.

Шоирларимиздан бири ижодий учрашувда Ватанни ҳимоя қилиш учун бугун баланд-баланд кўрғонлар куриш шарт эмас. Юртининг маънавияти юксак, интеллектуал салоҳиятли асл ўғлонлари унинг кўрғонларидир, бугун, деганди. Шунга ҳамоҳанг Ватанни нафақат қўлига қурол ушлаганлар, балки уни ҳимоя қилиш ғояси онгида қуролга айланганлар мардона ҳимоя қила оладилар, десак ҳеч бир муболага эмас.

Бугун миллий армиямиз ҳақида сўз кетганда, мардлик, жасоратни касб қилган, Ватан ҳимоячиси деган шарафли ва олижаноб ишга ўзини бағишлаган, қалблари ватанпарварлик туйғулари билан уфуриб турган инсонлар кўз олдимизга келади. Ватан ҳимоячилари кунини байрамнинг мамлакатимизда улкан тантаналар билан нишонланиши бизни юрт тинчлиги, унинг равнақи, халқ фаровонлиги йўлидаги эзгу ишларга янада руҳлантиради.

Алижон САФАРОВ,
подполковник.



ўз Қуролли Кучларимизни тузишимиз учун ҳуқуқий асос бўлиб хизмат қилди.

Бу борадаги эзгу саъй-ҳаракатларга 1991 йилнинг 6 сентябридаги Муудофаа ишлари вазирлигини ташкил этиш тўғрисидаги Фармон билан пойдевор қўйилди. Кейинчалик Президентимиз Фармонига мувофиқ Муудофаа ишлари вазирлиги Муудофаа вазирлигига айлантирилди.

1992 йилнинг 14 январида республика Олий Кенгашининг «Ўзбекистон Республикаси ҳудудида жойлашган ҳарбий қисмлар ва ҳарбий ўқув муассасалари тўғрисида»ги қарори қабул қилиниши тарихий аҳамиятга эга бўлди.

Дарҳақиқат, муудофаа ва хавфсизлик масалаларига истиқлолимизнинг илк кунлариданоқ алоҳида эътибор қаратилиб, бу борада 1992 йил 14 январь кунини мустақил давлатимиз тарихида муҳим тарихий ҳужжатга имзо чекилди. Яъни, шу кундан эътиборан мамлакатимиз ҳудудидаги барча ҳарбий қисм ва муассасаларни Ўзбе-

ли Кучларни барпо этиш борасида қўламли, моҳиятига кўра, том маънода улкан ишлар амалга оширилди. Ҳарбий округлар, чегара минтақалари, энг муҳим операция йўналишларда юқори жанговар қобилиятга эга бўлган гуруҳлар ташкил этилди. Ихчам, юқори маневрчан қисм ва бўлинмалар тузилди. Бошқарувнинг бир-бирини такрорлайдиган ва кам самарали тузилма ва бўғинлари тугатилди. Мамлакатимиз хавфсизлигига, халқимиз тинчлиги ва осойишталигига таҳдид солувчи ҳар қандай босқинчига қарши қатъий зарба беришга қодир бўлган принципал жиҳатдан янги тузилма ва бошқа замонавий жанговар бўлинмалар шакллантирилди.

Муддатли ҳарбий хизмат бир йил этиб белгиланди. Чақирув йилда бир марта амалга оширилмоқда.

Сафарбарлик-чақирув резерв хизмати жорий этилди. Мана шу янгиликлар, қолаверса, стратегик фикрлайдиган, интеллектуал, савияси етуқ ҳарбий кадрлар тайёрлашга берилаётган катта эътибор, ҳарбий жамоалардаги соғлом маънавий-ахлоқий муҳит каби омилларда миллий армиямиз қиёфасининг қанчалар ўзгаришини кўриш мумкин.

Бугун фахр билан айта оламизки, мамлакатимиз мустақиллиги, суверенитети ва ҳудудий яхлитлигини сақлаш, тинч, осуда ҳаётимизни ҳимоя қилишнинг мустақам таянчи бўлган миллий армияга эгамиз.

Президентимизнинг 2012 йил 24 октябрдаги қарори билан тузилган Муудофаа вазирлиги хузуридаги Жамоатчилик кенгаши аъзоларининг, эл-юртинизга фидойи, садоқатли, ватанпарвар, улкан ҳаётий тажрибага эга таниқли инсонлар, сиёсатшунослар, олимлар, ёзувчи ва шоирлар иштирокида Ватан ҳимоячилари кунига бағишлаб жойларда ўтказилаётган ранг-баранг



Тарбия

КАМТАРЛИК – ЗИЙНАТ, МАНМАНЛИК – ИЛЛАТ

Ҳаётда шундай инсонлар борки, уларнинг айтган сўзи қилаётган амалига мувофиқ келмайди. Бу тоифадагилар суврати бошқа, сийрати бошқа дейилади. Инсоннинг яхши ёки ёмон одати унинг маънавий дунёси билан бевосита боғлиқдир. Маънавиятли инсон илм-маърифатга мойил қалб соҳибидир.

Юртбошимизнинг «Юксак маънавият — енгилмас куч» асариди: «Шунинг учун ҳам биз бугунги кунда таълим-тарбия соҳасидан бошлаб, матбуот, телевидение, интернет ва бошқа оммавий ахборот воситалари, театр, кино, адабиёт, мусиқа, расомлик ва ҳайкалтарошлик санъатига, бир сўз билан айтганда, инсоннинг қалби ва тафаккурига бевосита таъсир ўтказадиган барча соҳалардаги фаолиятимизни халқнинг маънавий эҳтиёжлари, замон талаблари асосида янада кучайтиришимиз, янги босқичга кўтаришимиз зарур», — деб таъкидланган.

Халқимизнинг илк ёзма манбаси — «Авесто»да ҳам инсон маънавиятини ривожлантириш, таълим-тарбия, ахлоқ, меҳнат-севарлик каби масалаларга алоҳида эътибор қаратилган. «Зардуштийлар ақидасига кўра, инсон пайдо бўлгандан бери одамзод андишасида икки гавҳар пайдо бўлган: бир андишадан гуфтору кирдорда яхшилик бўлса, иккинчи андишадан кирдору гуфтордаги ёмонликдир. Доно ана шу гавҳардан яхшиликни интиҳоб этади, нодон эса ёмонликни танлайди», деб ёзади Ҳамиджон Ҳомидий ўзининг «Авестодан Шоҳномага» рисоласида.

Ҳар бир тарихий даврда тубанлик, манманлик қораланган ва аксинча камтарлик улуғланган.

Ўзбек халқининг бадий адабиётида, яъни афсона, ривоят, дoston, романларда яхши хулқ ва фазилатлар, шунингдек, ёмон хулқ, иллатлар ҳақида атрофлича мушоҳада этилади. Булар таъсирида кишиларнинг маънавий камолоти янада шаклланади. Абдулла Қодирийнинг «Ўтган кунлар», «Меҳробдан чаён», Чўлпоннинг «Кеча ва кундуз», Ўткир Ҳошимовнинг «Дафтар ҳошиясидаги битиклар», Тоҳир Маликнинг «Шайтанат», «Нафс кишанлари», «Иймонлашиш умиди», «Тош қалбларга зинҳор назар солинмас» каби кўплаб асарлар инсониятни жаҳолат ботқоғига ботишдан сақлашишга, инсофли, диёнатли, камтар бўлишга, иймон бутлиги ва эътиқодига мустақкам қолишга чорлайди.

Ҳаёт мураккаб: кимдир эзгулик ортидан эргашса, бошқаси ёмонлик измида кун кечиради. Аммо шуниси аниқки, инсоннинг фақат эзгу сўз, амалларигина кишилар ёдида кўпроқ вақт сақланади. Ҳатто болалик пайтларимизда кўп эртақ ва ривоятлар эшитганмизки, уларда ёвузлик иллатлари баъзи ҳайвонлар қиёфасида намоён бўлади. Масалан, тулки — айёрлик, бўри — очкўзлик, айиқ, қашқир — зўравонлик, эшак — нодонлик тимсолида. Баъзан айрим кишиларни ички дунёси, феъл-атворидаги қараб ҳайвонга ўхшатиш ҳам бе-

жиз эмас. Бадий адабиётнинг масал жанрида турли халқларда кишилар ҳайвонлар ёки қушлар тимсолида акс эттирилган. Масалан, Гулханийнинг «Зарбулмасал», ҳинд халқининг «Калила ва Димна» асарларида, рус адабиётида «Чумоли ва ниначи», «Оққуш, қисқичбақа ва чўртанбалик», юнон-рим адабиётида «Эзоп», «Гомер» асарларида кишиларда мавжуд бўладиган ўзига хос яхши-ёмон хулқларни ҳайвонлар, қушлар қиёфасида акс эттирилган.

Бу борада Гулханийнинг «Зарбулмасал»идан олинган «Тошбақа ва чаён» ўзига хос ибрат намунаси ҳисобланади. Адибнинг китобхонга бадий ўхшатишлар орқали чаённинг касби ёмонлик кўрмаса-да, атрофидаги беғараз яхшилик қилувчиларга заҳарли нишини уришдан ўзини тия олмаслиги оқибатида ҳикоя сўнида сувга гарқ бўлганлигини моҳирона ёритиб бергани билан ажралиб туради. Масалдаги қуйидаги жумлалар кишини ўйлаш ва фикрлашга мажбур этади:

**Чаённинг чақиши
беҳосдан эмас,
Бу унинг хулқидир,
чақмай туролмас.**

Абдулла Қодирийнинг «Меҳробдан чаён» асариди ҳам тубанлик ва разолат, камтарлик, соф-

диллик, манманлик, худбинлик ўзига хос юксак бадий маҳорат билан ифода қилинган. Худоёрхоннинг амрига кўра Анварни қатл этишдан олдин мулла Абдурахмон билан суҳбатида шундай дейилади:

«Абдурахмон илжаиди...

— Кулишга ҳаққингиз бор, домла, чунки ўч оласиз, — деди Анвар. Бирдан ҳаммининг кўзи Абдурахмонга тушди. — Фақат сиз ифлослик натижасида куласиз, мен... яна мен тўғрилиқ самарасини ўраман, сиз ифлос виждон билан голибсиз, мен соф виждон билан мағлубман... Мени дор остига ким келтирди? Виждон эмасми, тақсир?! Сизни бу ерда ким томошабин қилди. Ифлослик эмасми, тақсир?!»

Тоҳир Малик ҳам ўз ижодида салбий иллатларни очиқ-ойдин ошкор этиб, инсонийлик фазилатлари орқали киши маънавий гўзаллигини намоён қилган. Масалан, «Нафс кишанлари» рисоласида: «Чунки зулм дарахти ҳеч бир замонда, ҳеч бир жамиятда қурмайди. Куёшнинг ҳаракатига қараб соя ташлайдиган жой ўзгариб тураверади. Қайси бир авлоднинг эртами кечми яна шу сояга дуч келиши эҳтимоли бор. ... Ана ўшаларнинг хизмати зулм дарахтини суғоради ва қуриб қолишига йўл қўймайди».

Севимли ёзувчимиз мазкур рисоласида барча иллатларнинг

келиб чиқиш сабабчиси этиб нафсга кўрсатади. У нафсга таъриф бериб, шундай дейди: «Зулмининг ота-онаси — нафсдир. Нафс — гўё валади зинодир. Унинг оқибати — ҳалокатдир. Зулм — ўзганингулмини чақиради, нафс — ўзганингул нафсини ўзига чорлайди».

Ваҳоланки, ҳар бир инсон кун келиб ҳаётдан кўз юмади, аммо ўзи билан ҳеч вақо олиб кетмайди. Бу беш кунлик дунёда манманлик ҳирси ила мол-дунё йиғишдек ҳою-ҳавасга берилгани, атрофдаги ёру-дўстлар дилини вайрон этган билан у дунёда олиб кетолмаган мол-дунёсини кўз-кўз қилишга фурсат топмаслиги турган гап. Камтарлик кишининг зийнати, обрўсини оширувчи фазилати, ҳаёт йўлини равшан қилгувчи чироғи, юзини гўзал кўрсатгучи кўзгусидир.

Манманликка қул бўлган киши эса бир кун келиб тубанлик жарига кулаши, кибр-калондимоғлиги билан давраларда ўз ҳурматини йўқотиб қўйиши, ҳатто йиққан мол-дунёси ҳам унинг дилини равшан қилмаслиги турган гап.

**Малоҳат БАДАЛБАЕВА,
Неъмат УРАЗБАЕВ,
ИИБ Ёнғин хавфсизлиги
олий техник мактаби
ўқитувчилари.**


Qishki ta'til oldidan bolalarning quvonchi cheksiz. O'qituvchi xonani tark etishi bilan yana g'ala-g'ovur boshlandi. Hatto bir-birovlarini eshitishmasa ham hamma baravar gapirayotgandek edi. Bir necha daqiqa avval bo'lib o'tgan Yangi yil bazmi o'quvchilarda katta taassurot qoldirgani sezilib turibdi. Elyor — Qorbobo, Sadoqat — Qorqiz, Dilafro'z esa Yalmog'iz kampir bo'lganini aytib maqtanishar, umuman, bugun o'quvchilarning ko'pchiligi turli ertak qahramonlariga aylanishgandi.

Birozdan so'ng o'qituvchi Dilorom opa sinfga kirib bolalar bilan xayrlashib, ularni qishki ta'tilga kuzatishi lozim. Inog'om va Shorasul esa doimgidek sho'xlik bilan band: goh qizlarning sochidan tortar, goh kimningdir g'ashiga tegardi. Shu payt Dilorom opa ikki nafar yuqori sinf o'quvchisi bilan bir qop sovg'a ko'tarib sinfxonaga kirdi. Yana hamma o'z

joyini egallagach, xona jim-jit bo'lib qoldi.

— Bolajonlar, Qorbobo sizlarga Yangi yil sovg'asini berib yubordi, — deya nimtabasum bilan so'z boshladi o'qituvchi. — Faqat bu sovg'alar, a'lochi, odobli bolalarga berilishi kerak ekan. Shunday deya qayta-qayta takrorladi u menga!

Har darsda dakki eshitadigan Inog'om birdan xomush bo'lib qoldi. Chunki uning odobi



QUVONCH

ham, baholari ham o'rnak bo'larli darajada emasdi. O'zi singari o'rtog'i Shorasulga najot kutgandek qaradi.

— Bizga yo'q, — dedi Shorasul asta shivirlab. Uning ham holati Inog'omnikidan qolishmasdi. Axir, bayramda hamma Qor-

bobodan sovg'a olsayu, ular quruq qolsa, g'alati bo'larkan-da. Bu ikki do'stning ko'nglini pushaymonlik tuyg'usi egallay boshladi:

— Sho'xlik qilmasam bo'larkan, — deya o'ylardi Shorasul.

— Attang, men ham yaxshi o'qisam bo'lar

ekan, endi sovg'a ololmayman, — deya ko'nglidan o'tkazdi Inog'om.

Dilorom opa bolalarni navbat bilan chaqirib sovg'alarni birin-ketin tarqata boshladi.

— Sadoqat namunali xulqi, a'lo baholari bilan barchaga o'rnak, shu bois unga sovg'a beramiz.

— Elyorga esa bayramda Qorbobo rolini juda yaxshi o'ynagani uchun.

— Nurmuhammad biror marta dars qoldirmagan, unga ham Qorboboning sovg'asini topshiramiz.

Xullas, kimdir odobi, boshqasi kiyimlarini toza, ozoda tutishi, yana birov kattalarga salom berishi bilan sovg'alar ola boshladi. Navbat umidsiz o'tirgan Inog'omga keldi.

— O'tgan hafta diktantdan to'rt baho olgani uchun Inog'omga ham sovg'a beriladi.

Bu gap unga kutilmagan yangilik bo'ldi. Diktantdan yaxshi baho olgani xayolida ham yo'q edi.

— Endi doim a'lo bahoga o'qiyman, — deya o'ziga o'zi so'z berdi u.

— Kecha jismoniy tarbiya darsidan a'lo baho olgani uchun Shorasulga ham sovg'a beramiz.

Xullas, shu kuni hech kim sovg'asiz qolmadi. Dilorom opa barchaning ijobiy sifatlarini alohida aytib o'tdi. Bolalar qalbida cheksiz quvonch bilan qishki ta'tilga chiqishdi.

**Inomjon
RAHIMXO'JAYEV.**



Мутахассис фикри

Кунларнинг бирида бир тилшунос олим кема-да сафарга чиқибди. У кема капитанидан:

— **Тилшуносликни биласанми? — деб сўрабди.**

Кема капитани бу борада ҳеч нима билмаслигини айтибди. Тилшунос унга жавобан:

— **Эсиз, ярим умринг бекор ўтибди, — дебди. Шу пайт бўрон туриб кема сувга ғарқ бўла бошлабди.**

Кема капитани олимдан:

— **Сузишни биласанми? — деб сўрабди. Олим сузишни билмас экан. Капитан унга:**

— **Эсиз, бутун умринг зое кетибди, — дебди.**

Изоҳли луғатларда ўзини бошқалардан катта тутадиган, босар-тусарини билмай қолган, такаббур кимса манманликка берилган одам сифатида кўрсатилади. Хўш, туппа-тузук юрган одам юқорилик лавозимига кўтарилганда, мол-мулки кўпайиб қолганда ёки шунга ўхшаш ҳолатларда нега бирдан манманликка берилган ёки ёхуд ён-атрофдагиларини «танимай», «оёғи ердан узилиб» қолади? Бизнингча, бу нарса ўша кимсада маънавиятнинг сустигидан юз берса керак.

Таассуфлар бўлсинки, юқоридаги латифа мисолида бўлгани каби ички ишлар органлари ходимлари ўртасида ҳам манманлик касалига мубтало бўлганлар онда-сонда бўлса-да учраб туради. Бу ҳақда Юртбошимиз шундай деб айтган эди: «Аксарият ҳолларда жамоатчилик билан ҳуқуқни муҳофаза қилиш идоралари ходимлари ўртасида девор пайдо бўлиши ҳам ана шундай манманлик, ўзгаларни менсимаслик туйфайли келиб чиқади».

Бир нарсани англаб етишимиз керакки, ички ишлар органлари ходимлари ҳам шу заминда яшаётган халқнинг бир қисми ҳисобланади. Уларни ҳам шу халқ, шу жамяят тарбиялаб вояга етказган. Шундай экан, ички ишлар идоралари ходимлари мамлакатимизда қонунийлик ва ҳуқуқ-тартиботни таъминлаш, фуқароларнинг конституциявий ҳуқуқ ва эркинликларини ҳимоя қилиш йўлида нафақат сидқидилдан хизмат қилишлари керак, балки қонунларга риоя этиш, уларга ҳурмат билан муносабатда бўлишда бошқаларга ўрнак бўлишлари ҳам муҳим аҳамият касб этади.

Шу босдан, сўнгги йилларда ИИВ раҳбарияти томонидан қонунчилик тарғиботида жиддий эътибор қаратилмоқда. Ўрни келганда бир масалага алоҳида ургу бериб ўтиш лозимки, қонунчилик тарғиботи деганда, янги қабул қилинган қонунни ёки бошқа норматив-ҳуқуқий ҳужжатни фақат маълумот тариқасида етказилишини тушунмаслик керак. Балки, унинг мазмун-моҳиятини ички ишлар органлари ходимларига, аҳолига тўла-тўқис тушутириб бериш зарур бўлади.

Гап шундаки, қонун тарғиботчисининг шахси, яъни унинг назарий-ҳуқуқий билими, фикрлаш доираси, ҳулқ-атвори, амалий тажрибаси, ҳозиржавоблиги, керак бўлса нотиклик санъати, жамоада, оилада, маҳаллада тутган ўрни ва обрўси, ўз навбатида, маънавияти муҳим ўрин тутди. Ана шундай фазилатларга эга бўлган тарғиботчигина атрофдагиларнинг қизиқишини, хоҳиши-

ни кучайтириши, рағбатлантириши мумкин, кишилар онгига ниманидир сингдиришга эришади. Зероки, ақлли киши одамларни мисол ва далил билан ишонтиради, аҳмоқ эса қуруқ гап билан ишонтиради уради.

Юртбошимиз раҳнамолигида жамият ҳаётининг барча соҳаларида изчиллик билан ва босқичма-босқич амалга оширилаётган ислохотларнинг асосий мазмун-моҳияти халқимизнинг фаровонлиги ва тараққиётини, энг асосийси, тинчлиги ва осойишталигини таъминлашга қаратилган эмасми? Шу тинчликни сақлаш, мустақиллигимизни авайлаб-асраш йўлида ички ишлар идора-

лари ходимлари керак бўлса жонини тикади. Буни қанчалаб ҳамкасбларимиз ўзларининг жасорати билан исботлашган. Халқимиз ўз қахрамонларини ҳеч қачон унутмайди. Зероки, маънавияти юксак элимиз миллатлараро тотувликни, диний бағрикенгликни, тинчлик ва осойишталикни ҳаммиша қадрайверади. Чунки бу юртда инсон ҳаёти ва қадр-қиммати сўзда эмас, амалда кафолатланган.

Масаланинг яна бир жиҳати бор. Агар биз – инсонлар бир-биримизнинг ҳаётимизга қасд қилиб тараққиётга эришадиган бўлсак, бундай тараққиётнинг кимга кераги бор?! Ўзга худудда ва бизга мутлақо ёт бўлган муҳитда яшаб фикрлайдиган айрим кимсаларнинг тасаввуридаги демократияга бир-биримизнинг мол-мулкимизни талон-тарож қилиб, хонадонимизга ўт қўйиб, бегуноҳ инсонларнинг қурбон бўлиши эвазига эришадиган бўлсак, бундай демократиянинг кимга кераги бор?! Тарихга назар ташлайдиган бўлсак, жуда кўп давлат ва жамоат арбоблари, ҳуқуқшунос олимлари файласуфлар демократия ҳақида турли-туман фикр-мулоҳазалар билдиришган. Ушбу фикрлар асосида кўпчилик томонидан халқро миқёсда тан олинган ва эътироф этилган ранг-баранг таърифларни ҳам учратишимиз мумкин. Таъриф мингта, лекин унинг асл мазмун ва моҳияти, бизнинг назаримизда ягона. У ҳам бўлса инсоннинг яшаш ҳуқуқи ва ушбу ҳуқуқнинг ажралмас қисми бўлган унинг қадр-қиммати кафолатлангани-

асл моҳияти ўзини ўзи бошқаришдир, ўз ҳаётини ўз қобилиятига, ўз тафаккурига ва ўз виждонига кўра қуришдир ва бунинг оқибати учун масъулиятни ҳам ўз зиммасига олишдир.

Айнан шу сабабли ҳам истиқлол йилларида мамлакатимизда фуқароларнинг ўзини ўзи бошқариш органлари фаолиятини тўғри ташкил этишга, унинг ҳуқуқий асосларини такомиллаштиришга жиддий эътибор қаратилди. Пировардида, маҳалла институти кўпгина ривожланган давлатларнинг халқро эксперт ва мутахассислари томонидан жамиятда демократиянинг миллий қадриятларга асосланган муҳим белгиси, кўриниши, яна ҳам аниқроғи, амалдаги ифодаси эканлиги эътироф этилди.

Ўзбекистон Республикаси Президенти томонидан 2013 йил 22 апрель куни имзоланган янги тахрирдаги «Фуқароларнинг ўзини ўзи бошқариш органлари тўғрисида»ги Ўзбекистон Республикаси Қонунининг 3-моддасида фуқароларнинг ўзини ўзи бошқариш тушунчасига қуйидагича таъриф берилган:

«Фуқароларнинг ўзини ўзи бошқариши фуқароларнинг маҳаллий аҳамиятга молик масалаларни ўз манфаатларидан, ривожланишнинг тарихий хусусиятларидан, шунингдек миллий ва маънавий қадриятлардан, маҳаллий урф-одатлар ва анъаналардан келиб чиққан ҳолда ҳал қилиш борасидаги Ўзбекистон Республикасининг Конституцияси ва қонунлари билан кафолатланган мустақил фаолиятидир». Ушбу таъриф юқорида таъ-

кидлаб ўтган фикрларимиз миллий қонунчиликда ўзининг ҳуқуқий ечимини топаганидан далolat беради.

Халқро ҳамжамият тараққиётнинг «Ўзбек модели»ни тан олар экан, айти пайтда, ҳуқуқ ижодкорлиги борасида республикамизда шакланган тажрибани ҳам эътироф этишса ажаб эмас. Мамлакатимизда қонун ҳужжатлари лойиҳасини тайёрлашда халқро ҳуқуқнинг умумэтироф этилган принциплари ва нормаларини ҳисобга олиш, шунингдек ҳуқуқий жиҳатдан тартибга солиш борасида бошқа давлат тажрибасини ўрганиш лозимлиги ҳақидаги қоида «Норматив-ҳуқуқий ҳужжатлар тўғрисида»ги Ўзбекистон Республикаси Қонунининг 20-моддасида алоҳида банд билан мустаҳкамлаб қўйилган.

Ривоятларда айтилишича, бир замонлар битта қум зарраси мен ҳеч нарса эмасман деб зорланибди. Неча йиллар ўтгач, у олмосга, кейинчалик ҳинд подшоҳи тожининг энг гўзал безагига айланганди. Майли, у бир қум зарраси экан, биз киммиз? Ақл

лиги унинг бўйи-басти билан ўлчанмаганидек, миллатнинг улғворлиги сони-саноғи билан белгиланмади. Ягона ўлчов – унинг маънавиятидир.

Хизмат тақозосига кўра айбланувчилар, судланувчилар, маҳкумлар билан кўп марта баҳс-батлашиш баробарида, олимлар, адабиётшунослар, ёзувчи ва зиёлилар даврасида ҳам кўп марта бўлганман. Ушбу суҳбат ва кузатишларимнинг мантикий хулосаси Ўзбекистон халқ ёзувчиси Тоҳир Малик қаламига мансуб «Чархпалак» қиссасида аллақачон баён этилган экан. Севимли адбимиз ўзининг ушбу асаридан шундай ёзади: «Одатда кўнгли қора одамлар, агар уларни одам дейиш жоиз бўлса, тезгина тил топишадилар. Донолардан бири иккинчисининг гапини ҳазм қилгунча, маъқуллагунга қадар кўп сувлар оқиб ўтади. Айрим ҳолларда яхшилар бир-бирининг гапини ҳазм қилолмай ёки тушунолмай, энг ёмони – бир-бирини қўллай олмасдан ўтадилар. Шунинг учун яхшилар кўп афсус чекадилар. Улар афсус захридан надомат чекиб юрганларида икки бахил, икки фалокат бир кўз қарашдаёқ ошна тутинди. Табиатнинг хунук ҳазилини қарангки, биз нодон ҳисоблаган одамлар, агар уларни одам дейиш мумкин бўлса, кўп ҳолларда доноларни доғда қолдирадилар».

Мулоҳазаларимизни манманликка берилиши оқибатида бутун умри зое кетган олим ҳақидаги ҳикоятдан бошлаган эдик. Бунга яна бир қўшимчани изоҳ қилиб ўтишни истар эдим. Ўқувчилик давримизда мактабимиз остонасида катта-катта ҳарфлар билан ёзиб қўйилган «Олим бўлма – одам бўл» деган мақолнинг мазмунини кўпчилигимиз ҳазм қила олмас эдик. Қиссадан ҳисса шуки, миллат маънавиятининг кўзгуси барча соҳанинг, у хоҳ оддий вакили бўлсин, хоҳ олим ёки зиёли вакили бўлсин, энг аввало, яхшилик ва эзгуликка имон келтирган вакили бўлиб ҳисобланади десак, муболаға бўлмайди.

Шундай экан, мамлакатимизда қонун устуворлиги ва қонунийликни мустаҳкамлашда, қабул қилинаётган янги қонунларни, уларга киритилаётган ўзгартириш ва қўшимчаларни ижрочиларга ҳамда аҳолига тарғиб қилишда барча давлат органларининг, энг аввало, суд ва ҳуқуқни муҳофаза қилувчи идораларнинг тажрибали ҳамда юксак маънавиятли вакилларининг нафақат ҳамкорликдаги иштироки, балки бир-бирига ёрдами ҳам жуда зарур ҳисобланади. Зеро, маънавияти юксак инсоннинг нафақат сўзи, балки иши ҳам, ўзи ҳам барчага ибрат бўлиши кундек аён. Бу эса, ўз навбатида, қонунчилик тарғиботи йўналишида нафақат ички ишлар органларида, балки мамлакат миқёсида амалга оширилаётган ишларимизнинг зое кетмаслигига муҳим кафолат бўлиб хизмат қилади.

Муҳаммадкарим Юлдашев,
ИИВ Инсон ҳуқуқларини ҳимоя қилиш ва юридик таъминлаш бошқармаси қонунчилик тарғиботи бўлими бошлиғи,
подполковник.

Қонунчилик тарғиботи ва маънавият



Турмуш чорраҳаларида

Куйёш ётоғи томон ёнбошлаётганда овга отланган ота ўн икки ёшли ўглини ҳам ёнига олди.

— У ҳали гўдак-ку, отаси, — аёли ҳай-ҳайлаганча уларнинг ортидан чопди.

— Ҳозирдан чиникиб, кўзи пишиб борса, улғайганда тоғасига ўхшаб лапашанг бўлмайди, — масхаромуз тиржайди эр.

— Акамнинг устидан кулманг. Бироз бўшанг бўлса-да, бинойидек рўзгорини тебратиб юрибди, — ранжиди хотини.

Ота-ўғил анжомларини орқалаб уйдан чиқишди. Бироз ўтиб улар мактаб томида ҳозир бўлишганида тун пардаси аллақачон борлиқни қоплаган, қоронғи зимистонда бир қадам наридаги нарсани илғаш мушкул эди. Фонар ёғдусида қарахт бўлиб

Унинг учун отаси идеал қахрамонга айланганди. Жаҳонгир отасининг ўрнини «эгаллаб» кўплаб хонадонларнинг тинчини бузди. Аввалига, йўқолган майда-чуйда нарсалар учун арзонлик қилишга бироз андиша қилган одамлар, сабр-косаси тўлғач, ниҳоят тегишли жойларга мурожаат қилишди. Ички ишлар идоралари ходимлари уларнинг пайига тушиб, ота-болани галдаги ўғрилиқ жинояти устида қўлга олишди. Суд ҳукмига кўра ўттиз саккиз ёшли Бектемир Умиров умрининг маълум қисмини тиконли сим ортида ўтказадиган бўлди. Вояга етмаган Жаҳонгир шартли равишда жазодан озод этилиб, вояга етмаганлар ўртасида назоратсизлик ва ҳуқуқбузарликлар профилактикаси инспекторлари томонидан профилактик ҳисобга олинди.

мон эди. Дарров ёғоч қароватнинг остига яширинди. Даҳлизда эркак билан аёлнинг ҳиринглаши эшитилди. Аёл уни кузатиб келган эркакка эркаланиб, бўйнига осилди. Эҳтиросли бўсалардан сармаст бўлганлар беихтиёр ётоқ томон одимлашди... Шу пайт полда ётган шимнинг қаппайган чўнтаги боланинг эътиборини тортди. Нафасини ичига ютганча оҳиста қўлини чўзиб, қоғозга ўралган бир тахлам пулни олди. Секин очиб кўрганди бир даста доллар экан...

Ювиниш хонасидан қайтган эркак шошилмасдан кийина бошлади. Кутилмаганда шимининг чўнтақларини пайпаслаб, аёл томонга қаради. Кейин унинг қулоғига пичирлади:

— Жоним, мен ҳазилни ёмон кўраман.

— Мен эса ҳамиша жиддийман, — деди аёл нозланиб.

— Берганимга қаноат қилмай, тунайдиган бўлдингми ҳали? — эркак шундай деганча аёлнинг қўлидан тортди.

— Ўйлаб гапиринг! — ўшқирди аёл. — Қачон, кимни тунабман?!

— Душдан қайтганимча шип-шийдам қилибсан-ку, манжалақи, — эркак шими чўнтагининг астарини ағдариб кўрсатди.

— Тухмат қилма, сендай эркакнинг ўнтасини сотиб олишга қурбим етади. Мақсадинг мени қарздор қилиб қўйиб, уйимга ҳар кун келиш бўлса, бекорларнинг бештасини ебсан, — аёл жазавага тушиб бақира бошлади.

Бу ҳолдан баттар ғазабланган эркак жон-жаҳди билан аёлнинг бўйнига ёпишди. Аввал аёлнинг чинқиргани, кейин хириллаган овози эшитилди. Унинг қароватдан ярим осилган оёқлари бир муддат типирчилаб, сўнг буткул тинчиб қолди. Кўзлари хонасидан чиққудек катталлашиб, орқага тисарилган эркак шошганча чиқиб кетди. Бўлиб ўтган воқеалардан даҳшатга тушган ўсмир ўғриллаб олган нарсасини ҳам унутиб, эмаклаганча қочди.

...Воқеа жойидан топилган нарсалар: банк чеки ва долларлар мазкур жиноятни фош этишда муҳим ашёвий далил бўлди. Суриштирувлар мобайнида бу нарсалар мисгар Мухаммад Қосимовга тегишлилиги аниқланди. У тергов давомида воқеа жойида содир бўлган ҳолатни тасвирлаб бериб, айбини тан олди:

— Агар аёл пулни олганини тан олганида, уни ўлдирмасдим. Мол аччиғи — жон аччиғи, деганларидек ақлимни йўқотиб, жаҳлимни жиловлай олмадим.

Эксперт-криминалистрлар иш олиб бораётганда мавҳум бир ҳолатга дуч келишди. Ўша қотиллик рўй берган хонадон жиҳозларида, полда, долларларда ҳам яна бир кишининг бармоқ излари борлиги маълум бўлди. Суриштирувлар, сўнгги пайтларда бу хонадонга кимлар келиб-кетгани текширилганда қотилликни келтириб чиқарган асл сабаб ойдинлашгандек бўлди. Шундоқ ҳам ўша машҳур воқеалардан ўзига келолмай, кўрқувдан бутун вужудини титратса-да, ҳақиқатни айтишга ўзида куч тополмай юрган ўсмир терговчилар билан бўлган суҳбатдан кейин бор гапни айтиб берди...

Дурдибой ЖУМАНИЁЗОВ.

ИЗТИРОБ



қолган каптарлар қопларга тиқилди. Қушларга раҳми келганидан Жаҳонгир йиғлаб юборди.

— Ҳечқиси йўқ. Агар билсанг, каптарлар одамларга Оллоҳ томонидан емиш қилиб берилган.

Отасининг гапидан бироз таскин топган бола аста-секин бу ишларни ўзи ҳам бемалол бажариб, раҳмшафқат ҳиссини бутунлай унута бошлади. Дийдаси қаттиқ, бемехр ўсмирга нафақат синфдошлари, балки икки-уч синф катта болалар ҳам кўрққанидан хурмат кўрсатишар, у эса бундан ҳузурланарди.

Вақт ўтди. Ота ҳамроҳлигида Жаҳонгир ўғрилиқни ўрганди. Фалла, шоли ва минерал ўғитларни ўмарди. Фермерларнинг бири аяса, иккинчиси муроса қилди, баъзида отаси ўртага тушди. Ана шу ҳолат Жаҳонгирни янада руҳлантирди. Отаси кўзига сира ҳам қуламайдиган тиргович, гўёки улкан тоғ бўлиб кўринди. Унинг ҳар қандай қинғирликларни қилишга ва ундан албатта, қутулиб қолишига ишончи ҳосил бўлди.

Мактаб маъмурияти кўрс ва бадфеъл ўқувчидан қутилганига қувонди. Аммо коллеж раҳбариятига чинакам «бош оғриқ» бўлди. Боиси, у деярли ўқишга келмасди. Сўраб келган ўқитувчисини отаси бўралаб сўкиб, ҳайдаб соларди.

Чаласавод, маънавий қашшоқ ўғил фақат ота сўзига қулоқ соларди.

Отаси билан амалга оширадиган «иш»лари поёнига етгач, Жаҳонгир ўқишдан бўш пайтлари кўшнилари томонга ишларига ёрдамлашиб пул топадиган бўлди. Лекин булар ўсмирнинг эҳтиёжига етмасди. Шунинг учун онасининг нафақасига ҳам кўз олайтирадиган бўлди. Бир куни икки кўча нарида турадиган Шамсиябону деган аёл уларнинг уйига ташриф буюрди.

— Озроқ чопиладиган ер бор, яна у-бу ишлар. Ёрдамлашиб юборса ҳақини берардим, — деди аёл Жаҳонгирнинг онасига.

Ўғлини дастёрликка сўраб келгандан онаси суюнди. «Ҳарна бекор юргандан кўра, бир-икки сўм пул топади, меҳнат қилишга ўрганади». Шуларни ўйлаб, она розилик берди.

Шамсиябону ёлғиз яшарди. Ўзига тўқ аёлга ҳаммоллик қилаётган Жаҳонгирнинг қисқа муддатда чўнтақлари қаппайиб, улфатлари кўпайди. Лекин бемаъни базми-жамшидларга пул етказиш осон эмасди. У янада кўпроқ пул топиш ниятида эски «иши»га қўл урди: Шамсиябону йўқлигида унинг ётоқхонасига кирди. Хонада сўнгги русумдаги ёғоч қароват ва мебелдан бошқа нарсаси йўқ эди. Шу боис у шошмасдан, эҳтиёткорлик билан тортмаларни титкилай бошлади. Шу пайт дастлаб ҳовлига келиб тўхтаган машина овози, кейин эшикларнинг очилиб-ёпилгани эшитилди. Жаҳонгирнинг қочиб чиқиши даргу-



ИИБ Матбуот маркази хабар қилади

БОСҚИНЧИ ЙЎЛОВЧИЛАР

Андижонлик А. Мавлон туман ИИБга мурожаат қилишича, номаълум кишилар Тошкент шаҳрининг Бектемир тумани ҳудудидан «Лассети» русумли автомашинасига йўловчи сифатида ўтиришади. Улар Асака тумани Қурама маҳалласига кириб келишганида унга тан жароҳати етказиб, машинадан тушириб юборишади. Сўнгра автомашинани ҳайдаб қочиб кетишади. Кўрилган чоралар туфайли автомашина Фарғона вилояти Қува туманида техник соз ҳолда топилди. О. Эмин, А. Халил ва Д. Мелибой мазкур жиноятни содир этганликда гумон қилиниб ички ишлар бўлимига олиб келинди.

БУЗОҚНИНГ ЮГУРГАНИ...

Самарқанд туманида яшовчи С. Очил туман ИИБга ариза билан мурожаат этиб, номаълум кимса уйига эшик қулфини бузиб кириб, ётоқхонасидан олти турдаги сариқ металлдан ясалган заргарлик буюмларини ўғриллаб кетганлигини маълум қилади. Ички ишлар идоралари ходимларининг саъй-ҳаракатлари ўз самарасини берди: ушбу жиноятни Х. Зоир содир этганлиги маълум бўлди. Ҳолат юзасидан жиноят иши қўзғатилди.

ЗЎРАВОН ЙИГИТ

Пойтахтимизнинг Бектемир туманидаги «Шинаванд» қаҳвахонаси олдида Сергели туманида яшовчи С. Ҳошимни номаълум шахс кўрқитиб, 705 минг сўм пули ва «Nokia» русумли уяли телефонини тортиб олиб, воқеа жойидан яширинди. Зўравон «Сувсоз» даҳасида яшовчи У. Мирза эканлиги аён бўлди. Ҳозирда тергов ҳаракатлари олиб борилмоқда.

ҚОЧИБ КЕТОЛМАДИ

Чилонзорлик Б. Абдулла ўзига тегишли «ВАЗ-2106» русумли автомашинасини тунда уйи олдида қаровсиз қолдиради. Бу лоқайдлик унга қимматга тушди. Тошкент шаҳрининг Шайхонтоҳур туманида яшовчи С. Аҳмед кўча айланиб юрганида қаровсиз турган автомашинани кўриб қолади ва уни ҳайдаб қочади. Лекин у узоққа қочиб кетолмади. С. Аҳмед ички ишлар идоралари ходимлари томонидан қўлга олинди.

Шерали АНВАРОВ,
майор.

Спорт *** Спорт *** Спорт *** Спорт *** Спорт *** Спорт *** Спорт



Байрам тилаклари

ЮРТИМИЗ ДОВРУҒИ ОШАВЕРСИН!

2014 йил ички ишлар идораларида фаолият кўрсатаётган спортчилар учун ҳам муваффақиятли яқунланди. Кўплаб спортчи ҳамкасбларимиз жаҳон, қитъа ва республика миқёсидаги нуфузли мусобақаларда юртимиз, ички ишлар идоралари шарафини муносиб ҳимоя қилиб, катта ютуқларга эришдилар. Бу аввало, республикамизда, шу билан бир қаторда ички ишлар идораларида спортни ривожлантиришга бўлган катта эътибор ва ғамхўрлик натижасидир. Кириб келган 2015 йилда ҳам кўплаб нуфузли спорт мусобақалари ўтказиш режалантирилган. Фурсатдан фойдаланиб, спортчи ҳамкасбларимизга беллашуварда муваффақиятли иштирок этиб, юртимиз довуғини янада кенгроқ ёйишларида омад ва ютуқлар тилайман. Юртимизнинг тинчлик-осойишталигига ҳеч қачон кўз тегмасин.

Элдор ҒУЛОМОВ,
самбо бўйича Жаҳон ва Осиё чемпиони.

Республика «Динамо» ЖТСЖ мажмуида ҳуқуқни муҳофаза қилувчи идоралар ўртасида самбо бўйича мусобақа бўлиб ўтди. Унда ички ишлар идоралари вакиллари ҳам муваффақиятли иштирок этдилар. Транспорт ИИБдан гиламга чиққан самбо бўйича бир неча марта Жаҳон ва Осиё чемпиони, майорлар Шавкат Жўраев ва Элдор Ғуломов бу гал ҳам ички ишлар идораларида маҳоратли спортчилар хизмат қилишини яна бир бор намоён этишди.

САМБО БҒЙИЧА МУСОБАҚА

Транспортдаги ИИБ Ховос темир йўл бекати тармоқ ИИБ ҲООБ ВЕЎН ва ХПГ инспектори, майор Шавкат Жўраев барча рақибларини енгиб, голиблик шоҳсупасига кўтарилди ҳамда олтин медаль билан тақдирланди. Самарқанд темир йўл бекати тармоқ ИИБ ЖК ва УЖҚКБ катта тезкор вакили, майор Элдор Ғуломов эса спартакиаданинг бронза медалига сазовор бўлди.

Умумжамоа ҳисобида республика МХХ вакиллари биринчи ўринни қўлга киритди. ИИБ самбочилари иккинчи, вазирлик Қоровул қўшинлари жамоаси эса учинчи ўринни эгаллади.

Қосимжон САТТОРОВ,
подполковник.

ШОҲСУПАДА ВАКИЛЛАРИМИЗ

Гулистон шаҳридаги «Алпомиш» спорт мажмуасида мини-футбол бўйича анъанавий вилоят биринчилигининг ўтказилишини спортчилар ва иштирокчилар зўр ҳаяжон билан кутиб олди. Бахсларда корхона, ташкилот ҳамда ҳуқуқ-тартибот идоралари вакиллари иборат 29 та жамоа иштирок этди.

Кескин ва мурасасиз кечган мусобақалар якунида фахрли биринчи ўрин вилоят ИИБ жамоасига насиб этди. Вилоят ҳокимлиги вакиллари ва ИИБ раҳбарияти жамоа аъзоларини ушбу ютуқ билан муборакбод этиб, келгуси фаолиятларига омад тилашди.

Ғолиб жамоа вилоят мини-футбол федерациясининг биринчи даражали дипломи ва эсдалик совғалари билан тақдирланди.

Улуғбек ҲАЙДАРОВ,
катта лейтенант.
Сирдарё вилояти.



Ўзбекистон терма жамоасининг янги либоси намунаси.

Миржалол ҚОСИМОВ:

ОСИЁ КУБОГИДА МУНОСИБ ИШТИРОК ЭТИШНИ НИЯТ ҚИЛГАНМИЗ

ЎФФ анжуманлар залида Ўзбекистон миллий терма жамоаси бош мураббийи Миржалол Қосимов иштирокида матбуот анжумани бўлиб ўтди.

– БААда олиб борган йигинимиздан кўнглим тўлди. Олдимизда муҳим бахслар турибди ва биз унга етарлича тайёргарлик кўрдик. Осиё Кубо-

гида ҳам муносиб иштирок этишни ва мухлисларни хурсанд қилишни ниёт қилганмиз, – деди миллий терма жамоа бош мураббийи.

М. Қосимов ярим ҳимоя чизигида футболчиларнинг кўплигини рақобатнинг кучлилиги билан изоҳлади: «Айнан ярим ҳимоя чизигимизда кучли футболчилар

кўп. Улар исталган пайтда ҳужумчиларга ҳам ёрдам бера оладилар. Бунда муаммо кўрмаймман».

Матбуот анжумани якунида бош мураббий турнирда терма жамоанинг ўз олдига қўйган вазифаси ҳақида ҳам айтиб ўтди: «Дастлабки вазифа – гуруҳдан чиқиш. Ундан кейингина

плей-офф ҳақида ўйлаймиз. Турнир бошланишидан аввал олдимизга қўйилган вазифа эса совринли ўринлардан бирини эгаллаш».

Матбуот анжумани якунида Ўзбекистон терма жамоасининг Осиё Кубоги бахслари учун янги дизайндаги махсус ўйин либослари намоиш этилди.



ОСИЁ КУБОГИГА БОРАДИГАН АСОСИЙ ТАРКИБ МАЪЛУМ

Мураббийлар штабининг қарорига кўра якуний таркиб эса қуйидагича кўриниш олди:

1. Элдор Суюнов («Насаф», Ўзбекистон)
2. Егор Кримец («Пахтакор», Ўзбекистон)
3. Шавкат Муллажанов («Локомотив», Ўзбекистон)
4. Сардор Рашидов («Бунёдкор», Ўзбекистон)
5. Анзур Исмаилов («Чанчун Ятай», Хитой)
6. Баходир Насимов («Падидех», Эрон)
7. Азиз Ҳайдаров («Аль Шабаб», БАА)
8. Сервер Джепаров («Сеонгнам», Ж. Корея)
9. Одил Аҳмедов («Краснодар», Россия)
10. Жамшид Искандеров («Пахтакор», Ўзбекистон)
11. Игорь Сергеев («Пахтакор», Ўзбекистон)
12. Игнатий Нестеров («Локомотив», Ўзбекистон)
13. Лутфулла Тўраев («Локомотив», Ўзбекистон)
14. Шухрат Муҳаммадиев («Насаф», Ўзбекистон)
15. Жасур Ҳасанов («Локомотив», Ўзбекистон)
16. Воҳид Шодиев («Бунёдкор», Ўзбекистон)
17. Санжар Турсунов («Ворскла», Украина)
18. Тимур Кападзе (эркин агент)
19. Виталий Денисов («Локомотив», Россия)
20. Ислон Тўхтахожаев («Локомотив», Ўзбекистон)
21. Акбар Тураев («Бунёдкор», Ўзбекистон)
22. Фаррух Сайфиев («Насаф», Ўзбекистон)
23. Акмал Шорахмедов («Бунёдкор», Ўзбекистон).



СЎНГГИ СИНОВ УЧРАШУВИ

Миллий терма жамоа делегацияси Осиё Кубогида иштирок этиш учун 3 январь кuni Австралиянинг Сидней шаҳрига жўнаб кетади. Улар Сидней шаҳри соҳилидан унча узоқ бўлмаган Рокдейл шаҳарчасига жойлашади. 6 январь кuni эса Сидней шаҳрида Малайзия чемпионати ғолиби «Жохор Дарул Таъзим» клубига қарши ўртоқлик ўйинини ўтказилади.

Эслатиб ўтамиз, турнир 9 январь кuni Мельбурндаги «Melbourne Rectangular Stadium» ста-

дионида мезбон Австралия ва Кувейт терма жамоалари ўртасидаги баҳс билан бошланади. Терма жамоамиз эса ўз иштирокини 10 январда КХДР терма жамоасига қарши учрашув билан бошлайди. Шунингдек, гуруҳнинг иккинчи турида Хитой (14 январь) ва сўнги турида Саудия Арабистони (18 январь) терма жамоасига қарши майдонга тушади.

Эркин САТТОРОВ тайёрлади.



Ҳуқуқий маслаҳатхона

МЕҲНАТ ТАЪТИЛИГА ТАЪСИР ҚИЛАДИМИ?



– Ўзбекистон Республикаси Президентининг 2014 йил 26 декабрдаги Қарорига биноан 2015 йилнинг 2 январь куни дам олиш куни деб эълон қилинди. Бу қувончли, албатта. Мен, 2014 йил 15 декабрдан 2015 йил 10 январгача навбатдаги таътилдаман. Айтинг-чи, эълон қилинган кўшимча дам олиш куни меҳнат таътилимга таъсир қиладимми?


Дониёр РАҲМАТОВ.
Тошкент вилояти.



– Ҳа албатта. Ўзбекистон Республикаси Меҳнат кодексининг 139-моддасига биноан таътиллارнинг муддати олти кунлик иш ҳафтаси юзасидан календарь бўйича **иш кунлари** билан ҳисоблаб чиқарилади. Таътил даврига тўғри келиб қолган ва қайд этилган Кодекснинг 131-моддасига мувофиқ ишланмайдиган кунлар деб ҳисобланадиган байрам кунлари таътил муддатини белгилашда ҳисобга олинмайди. Ўзбекистон Республикаси Президентининг 2014 йил 26 декабрдаги Қарорига биноан 2015 йилнинг 2 январь куни дам олиш куни деб эълон қилинди, яъни иш куни эмас. Шу сабабли бу кун меҳнат таътилини ҳисоблаб чиқишда ҳисобга олинмайди. Демак, сизнинг таътил муддатингиз бир кунга узайтирилиши лозим.

Ушбу саволга ҳуқуқшунос Ҳамидулла ПРЕМКҮЛОВ жавоб қайтарди.

«ЯНГИ ЙИЛ» ЧАЙНВОРДИ



1. Табаррук ёшдаги инсон. 2. Вақт ўлчови. 3. Парранда, тинчлик ва осойишталик рамзи. 4. «Узун» йил. 5. Янги йил энг кейин бошланадиган ярим орол. 6. Безанадиган дарахт. 7. Янги йил элчиси Санта Клаус ҳисобланувчи қитъалардан бири. 8. Янги йил 18 ноябрда нишонланадиган Яқин шарқдаги мамлакат. 9. Тансиқ таом. 10. Кузатиш йилда «Осиё ўйинлари» спорт муسابақалари ўтказилган маскан. 11. Дастурхон безаги. 12. Олий муқофот, белги. 13. Байрамларда юзга тутиладиган мослама. 14. Фасл. 15. Қамария йили ҳисобидаги еттинчи ой номи. 16. Куёшнинг йиллик кўринма ҳаракати доирасидаги юлдузлар туркуми. 17. Кузатиш йилда болалар

ўртасида тезкор шахмат бўйича жаҳон чемпионлигига эришган ака-ука Синдоровлардан бири. 18. Янги йил байрамида ичига чақа, қалампир, узук кабилар солиб пирог пишириладиган Европа мамлақати. 19. Айёмни биринчи бўлиб кутиб олувчи мамлакат. 20. Эзгу, савобли фаолият. 21. Сутка қисми. 22. Баҳорги тенг кунликда ўтказиладиган шарқона байрам. 23. Теледастурнинг билимдонлар беллашувидан иборат кўрсатуви. 24. «Йил карвони» таърифни олган жадвал. 25. Байрамларда самога отиладиган снаряд. 26. Миллий чавандозлик баҳси. 27. Асар ёзиш фаолияти. 28. Ҳафта куни. 29. Эрта тонг пайти.

Хусан ОРИПОВ тузди.

ЎТГАНЛАРНИНГ ОХИРАТИ ОБОД БЎЛСИН!

<p>ИИБ Академияси раҳбарияти, шахсий таркиби ва фахрийлар кенгаши иқтисодий фанлар кафедраси ўқитувчиси, лейтенант Нуъмон Окюловга волидаи муҳтарамаси МАЪРИФАТ аянинг вафот этганлиги муносабати билан таъзия изҳор этади.</p>	<p>ИИБ Бирлашган таҳририяти жамоаси таҳририятнинг ҳуқуқшунос-маслаҳатчиси Ҳамидулла Премкуловга волидаи муҳтарамаси ХАЙРИНИСА аянинг вафот этганлиги муносабати билан таъзия изҳор қилади.</p>	<p>Тошкент вилояти ИИБ раҳбарияти ва шахсий таркиби Зангиота тумани ИИБ Эшонгузар кўрғон милиция бўлими бошлиғининг ўринбосари, подполковник Миродил Мирсаликовга онаси ХАЛИМА аянинг вафот этганлиги муносабати билан ҳамдардлик билдиради.</p>
--	---	---

МУНАЖЖИМЛАР БАШОРАТИ

Келгуси ҳафта учун

ҚҮЙ



Хонадонингизда тинчлик-хотиржамлик ҳукм суради. Ҳали оила қурмаган бўлсангиз, бахт юлдузингизни топсангиз ажабмас. Ҳафта ўрталарида муҳим қарор қабул қилишингизга тўғри келади. Хойнаҳой, бу шахсий ҳаётингизга тааллуқли масала бўлса керак. Айни шу пайтда ҳис-туйғуларингизни ақлингизга бўйсундирасиз. Шу сабабдан бошқаларни ортингиздан эргаштира оласиз.

СИГИР



Тер тўкиб қаттиқ меҳнат қилишингиз лозим бўлади. Бу сизга малол келмайди. Чунки табиатан меҳнатсеварсиз. Кундалик ташвишлардан ортиб, келгуси ишларни режалаштиришга, умр мазмуни ҳақида ўйлашга ҳам улгурасиз. Теварак-атрофга янгича назар ташлай бошласиз. Энди воқеа-ҳодисаларни бошқача баҳолайсиз. Шундан сўнг ўз ҳаётингизни ҳам ўзгартиришингиз келиб қолади.

ЭГИЗАКЛАР



Эҳтиросларга берилиб кетманг. Бу яхшиликка олиб келмайди. Қизиққонлик қилсангиз, шундоқ ҳам мураккаб вазиятни баттар чигаллаштириб юборасиз. Оқибатда ўзингизга ташвиш орттирасиз. Сиз туфайли юзга келган келишмовчиликларни бар-тароф этиш учун анча куч-ғайрат сарфлашингизга тўғри келади. Шунинг учун ҳар қандай ҳолатда ҳам оғир-вазмин бўлинг.

ҚИСҚИЧБАҚА



Ўзингизга умр йўлдоши излаётган бўлсангиз, сиз учун ҳафта хайрли келади. Эски, унут бўлган алоқаларни тиклайсиз. Кучли ҳиссиётларни бошдан кечирасиз. Янги танишувларнинг ҳаммаси ҳам жиддий муносабатлар ўрнатишга олиб келавермайди. Ҳаёт неъматларидан баҳраманд бўлинг, аммо меъёрни унутманг. Ҳамиша оқилона йўл тутинг.

АРСЛОН



Ҳафта аввалида бошлаган ишингиз тез орада жонингизга тегади. Ҳаётингизга янгиликлар олиб кирингиз, кўнгилхушлик қилгингиз келади. Ниятингиз холис бўлганлиги учун тезда амалга ошади. Яъни ҳафтанинг иккинчи ярмида одатдаги турмуш тарзингиз ўзгаради. Янгича шароитда ўзингизни ниҳоятда эркин ҳис этасиз. Ҳафта охирида ҳаётингизда қувончли воқеалар юз беради.

ПАРИЗОД



Ҳафта бошларида хотиржам ҳолатда одатдаги ишларингиз билан шуғулланасиз. Бундан қониқиш ҳосил қиласиз. Аммо аста-секин ишларингиз кўпайиб кетади. Бошқалар ҳам сиздан эътибор талаб қилишади. Бунга вақт тополмасангиз ранжишади. Оқибатда анча-мунча асабийлашасиз. Ҳафта охирида нима-лардандир ҳафсалангиз пир бўлади, айни пайтда ўзгаришлар туфайли олға силжийсиз.



ТАРОЗИ



Ҳозир молиявий аҳволингиз у қадар яхши эмас. Бунинг устига кўнгилхушлик қилишни хоҳлаб, имконингиздан кўпроқ маблағ сарфлаб юборасиз. Ваҳоланки, бажаришни унутган ишларингиз ҳам анчагина маблағни талаб этади. Ҳафтанинг иккинчи ярмида яна оёққа турасиз. Ҳафта охирида сабр-тоқатли бўлинг. Қулай фурсатни кутиб турсангиз, муваффақиятга эришасиз.

ЧАЁН



Ушбу ҳафтада сиз учун янги имкониятлар эшиклари очилади. Мақсадларингизга эришишни истасангиз, фаолроқ бўлишингиз керак. Ўзингизнинг ҳам бир жойда қўлуштираб ўтиришингиз келмайди. Ақл-заковатингиз энг яқин ёрдамчингиздир. Фақат ўз куч ва имкониятларингизга таянинг. Қиладиган ишларингизни олдиндан режалаштириб олинг. Сайру саёҳатларингиз кўнгилли ўтади.

ЁЙ



Ҳафта сиз учун омадли бошланади. Ниҳоят нималарга қодир эканлигингизни бошқаларга исботлайсиз. Атрофингиздагилар маслаҳатларингизга қулоқ тутишгандан афсусланишмайди. Ўзингиз ҳам мулоҳаза юритиб иш кўринг. Дам олиш кунларини оила аъзоларингиз ёки яқин дўстларингиз даврасида ўтказинг. Шунда чарчоғингиз тарқаб, куч-қувват тўплайсиз.

ТОҒ ЭЧКИСИ



Дастлаб тушкун кайфиятда юрасиз. Бунга ўтган ҳафтада юз берган айрим воқеалар сабаб бўлади. Аммо тез орада бу ҳолатингиз ўтиб кетади. Ҳаракат йўналишингизни аниқ белгилаб олиб, қатъий олға интиласиз. Ҳафтанинг иккинчи ярмида ҳаётингизда янги гоғялар туғилади. Уларни амалга оширишга астойдил ҳаракат қиласиз. Хуллас, ҳаётингиз қизгин паллага киради.

ҚОВҒА



Ҳаётингизни моддий масалалар кўпроқ банд қилади. Шу боисдан маънавий масалаларга эътиборингиз сусаяди. Атрофингизда юз бераётган воқеаларга холислик билан баҳо беришга қийналасиз. Маслаҳатимиз: имкониятларингиз ва эҳтиёжларингизни ўзаро мувофиқлаштиринг. Шунда ҳам моддий, ҳам маънавий масалаларни ҳал этишга улгурасиз. Ҳафта ҳар иккиси учун ҳам қулай.

БАЛИК



Янги ҳафтада ҳаётингизда қизиқарли воқеалар деярли юз бермайди. Бошқалар билан ўзаро муносабатларингизни ривожлантиришингиз қийин кечади. Яқинларингиз, дўстларингиз билан бемалол мулоқот қилишга вақт топишингиз мушкул. Нима бўлганда ҳам ўз қобиғингизга ўралашиб қолманг. Ҳаётдан завқлана билдинг. Унинг ёрқин тарафларини кўринг. Шунда бадбин ҳаёллардан қутуласиз.



ЖАЖЖИ ҚАЛБЛАР ҚУВОНЧГА ТҮЛДИ



Кичкинтойлар байрамида иштирок этганмисиз? Уларнинг қувончига шерик бўлиш, тўлқинланиб, ҳаяжон билан ёддан айтган шеърларини тинглашнинг завқи бўлакча. Айниқса, жажжи болажонларнинг рус ҳамда инглиз тилларида раво гапиришларига эътибор берсангиз келажагимиз билимли ёшлар кўлида эканлигига яна бир бор ишонч ҳосил қиласиз.

Республика ИИБ Хўжалик бошқармасига қарашли мактабгача таълим муассасаларида ҳам Янги йил байрами ҳар гал кўтарин-

ки руҳда нишонланади. Бу йил ҳам «Наврўз» болалар боғчасидаги болажонлар қалби чексиз қувончга тўлди. Улар меҳрибон тарбиячилари томонидан «Йил фасллари» номи эртак асосида сахналаштирилган спектаклни болаларча беғуборлик билан моҳирона намойиш қилишди. Байрамга ташриф буюрган Қорбобо ва Қорқиз эса тадбирни янада қиздириб юборди. Кичкинтойлар турли тилларда шеърлар айтиб, Қорбободан совғалар олишди.

Абу КЕНЖАЕВ.

Муаллиф олган суратлар.



ЯНГИ ЙИЛ ХАНДАЛАРИ

31 декабрь кечаси ўғил она-нинг олдига келиб деди:

— Ойи, келинг соат 11 яримда «Янги йил», «Янги йил» деб бара-варига бақирамиз.

— Бу нимага керак?
— Шунчаки, қўшниларимиз бизникига Янги йил эртароқ келибди деб ўйласин дейман-да.

Эр эрталаб бир аҳволда бошини кўтариб, хотинидан сўради:

— Янги йил келдимми?
— Келди...
— Бугун қайси кун?
— Иккинчи январь.
— Ие, биринчи январь қаёққа йўқолди?

Янги йил базмида.

— Нимага ҳар гал ичмаётганин-гда кўзингни юмиб олаяпсан?
— Мен хотинимга Янги йилда умуман қадаҳга қарамайман деб ваъда берганман...

— Мен Янги йилни Гавайя оро-ларида кутиб олдим. Атрофимда хурлиқо қизлар, денгиз, пляж...

— Мен эса Ҳиндистонда — филнинг устида кутиб олдим, — деди иккинчиси. — Офтоб чарақ-лаб турибди, мевалар, чиройли хинд қизлари...

— Мен Янги йилни уйда сиз-лар билан бирга кутиб олдим. Фақат мен ичмадим...

1 январь, эрталаб. Шифохо-нада кўрик бўлаяпти. Шифокор навбатдаги палатага кириб сўраяпти:

— Эргашев шу ердами?
— Ҳа, мен.
— Фамилиянгиз...

— Мен алкоголь билан чекиш-нинг зарари ҳақида шунчалик кўп ўқидимки, Янги йилдан умуман бас қилмоқчиман.

— Айнан нимани: чекишними ёки ичкиликни?
— Ўқшшни...

ОДАМ ТАНИЙДИГАН ОДАМ

Янги йил арафасида бозорнинг гавжум бўлиши табиий ҳол. Шу боис, асабни то-лиқтирмаслик учун турли даражадаги тур-тиқларга беътибор дўконга кириб, шош-масдан мол танлай бошладим. Буқоқлари осилган сотувчи чарчади шекилли жун босган қоғоғини уйиб:

— Сизнинг харид қилиш ниятингиз йўқ?
— деб курткани жойига илиб қўйди.

— Сифатсиз молга тушиб, кўйиб қолиш-ни истамайман, — дедим бироз аса-бийлашиб.

— Мен одам танийдиган одам-ман, эшиқдан киришингиз заҳоти буни сезгандим, — деди афтини бужмай-тириб.

Пешонам тиришиб, тишларим асабий гижирлади. Дилимдагини энди тилимга чиқарай де-ганда хушбичим аёл қизча-си билан кириб келди.

— Шу синглимнинг нима-дир харид қилиши чақнаёт-ган кўзларидан аён, — деб сотувчи лапонглаб, аёлга пешвоз чикди. Унинг тилла тақинчоқлари бурчақдаги арча безакларига ҳамоҳанг жилоланиб, кўзни қамашти-рарди.

— Боғча опаси қизимни Янги йилда қор-қиз қилмоқчи экан, — дея аёл осиглик паль-толарга суқланиб боқди.

— Гап бўлиши мумкин эмас, бизда ҳам-маси бисёр, — деб сотувчи бирпасда қиз-чани қорқизга айлантириб, ширинликлар билан сийлади. Сўнг аёлга муғамбирона жилмайиб:

— Шаҳло кўзларингиз пальто олмоқчи-лигингизни айтиб турибди, — деди. Аёл ҳам шундай ҳолатда табассум қилиб, бе-жирим пальтолардан бирини кийиб кўрди.

— Янги йил маликаси десам, ҳеч қан-дай муболага эмас, — дея сотувчи кўзгуга боқаётган аёлнинг атрофиди гирдикапалак бўлиб айланарди.

— Сотиб оламан, — деди аёл ва кўзгудан кўз узмай яна гапида давом этди, — фақат бир фурсат қизимга қараб туринг, пул машинада қолганди.

— Гап бўлиши мумкин эмас, бизда хари-

дорлар учун барча шароитлар мавжуд. Қиз-чани зериктирмаслик учун мультфильм қўйиб бераман, — дея сотувчи дискларни танлай бошлади. Дўкондан чиқаётган аёл бирдан ортга қайрилди.

— Ёқмадимми? — беихтиёр сўради со-тувчи.

— Қайсинглимга ҳам олмасам, аразлаб қолади, оиламнинг файзи йўқолади, — деб аёл бошқа бир пальтони танлади.

— Донишмандлигингиз таҳсинга лойиқ, аммо буниси бироз қиммат-роқ, — деди сотувчи.

— Гап пулда эмас, меҳр-оқибатда, — деди аёл ҳазин овозда.

— Арзмагани нарса кўнгилини хира ёхуд чароғон қилиши айна ҳақиқатдир, — деб сотувчи иккинчи пальтони ҳам ўраб берди.

— Ҳаяллаб қолсам, қизимни оватарсиз, — деб аёл ноз билан ташқарига қадам ташлади.

— Гап бўлиши мумкин эмас, — деб сотувчи одатдагидек кўллари керди ва дўконга қираётган яна бир харидорни нигоҳлари билан кўрсатиб, — буюм томошабин холос, деди.

Соқолли киши растадаги молларга бир зум назар таш-ладию, чиқиб кетди.

— Энди ишондингизми одам таниш иқтидоримга, — деб сотувчи креслога оғир чўкиб, ҳисоб-китоб дафтарига кўз югуртир-ди. Шу пайт ташқарида ғала-ғовур бошлан-ди. «Шу дўконга кирувди», деган овоздан кейин ўқдай отилиб кирган аёл мультфильм томоша қилаётган «қорқиз»ни бағрига бос-ганча, ўқиб йиғлаб юборди.

— Бир аёл сизни сўради. Шу ерда тури-шимни тайинлаб, гўшт дўконига кирганин-гизни айтдим. Юзимдан ўпиб, «холанг бўла-ман, сенга қорқиз кийими ва ширинликлар олиб бераман, онанг кўриб хурсанд бўла-ди», — деб шу дўконга бошлаб келди, — деди қизча бидирлаб.

Сотувчи жонҳолатда телефонга ёпишиб, воқеа ҳақида ИИБ навбатчилик қисмига ха-бар берса-да, ҳовурини босолмай оғир эн-тикарди...

Дурдибой ХУДОЙШУКУРОВ.

—Мен йўғимда ким келди, гапир?!



О'ЗBEKISTON
RESPUBLIKASI
IIV BIRLASHGAN
TAHRIRIYATI

Bosh muharrir o'rinbosari —
Qobiljon SHOKIROV
Mas'ul kotib —
Rahmatilla BERDIYEV

MUASSIS:
O'ZBEKISTON
RESPUBLIKASI
ICHKI ISHLAR
VAZIRLIGI

Navbatchi —
Inomjon RAHIMXO'JAYEV
Sahifalovchi —
Zokir BOLTAYEV
Matn ko'chiruvchi —
Gulnora SODIQOVA

TELEFONLAR:
231-33-88;
Faks: 255-31-39.



Tahririyat
hisob raqami
2021000900447980001,
MFO 00420.
ATIB
«Ipotekabank»
Mirobod
tuman bo'limi.
INN 200637499.

Tahririyatga kelgan qo'lyozma
va suratlar egasiga qaytarilmaydi.
Nashrimizdan ko'chirib bosil-
ganda «Postda»dan olinganligi
ko'rsatilishi shart.

«O'zbekiston» nashriyot-matbaa
ijodiy uyi bosmaxonasida chop
etiladi. Korxonaning manzili: Alisher
Navoiy ko'chasi 30-uy.

Gazeta haftaning shanba kuni chiqadi.

Gazeta O'zbekiston Matbuot va axborot agentligida
2007-yil 11-yanvarda 0120-raqam bilan ro'yxatga
olingan. Buyurtma №S-1768. Bosilish — ofset usulida.
Hajmi — 4 bosma taboq. 69130 nusxada chop etildi.
Obuna raqamlari: Yakkartaftibda — 180. Tashkilotlar
uchun — 366. Bosishga topshirish vaqti — 22.00.
Bosishga topshirildi — 21.00. Bahosi kelishilgan narxda.

MANZILIMIZ: 100070, Toshkent,
Shota Rustaveli 1-berk ko'chasi, 1-uy.